

漳州府志

卷十四 (世三冊内)

三五公司所藏

ル 5
3438
14



門 儿 5
號 3438
卷 14

漳州府志卷之三十五

官績二 乾隆志卷三十三

○明

監司

邵 梗 周賢宣 張鳳來 高從禮 陳起龍

邵梗字良用仁和人嘉靖戊戌進士三十六年任福建巡海道駐漳州時海禁廢弛姦民闖出入賈禍召寇然處置失宜或激而愈亂公下令凡賊臨陣捕鹵與姦民為賊間及違禁出物庶有狀者殺無赦其羅織相告勿詰於是反側帖然益濬隍增陴選卒厲兵徙四郊積蓄入

城中使賊無所掠已未倭寇合兵萬人犯長泰選火藥手百人攝擊之賊宵遁又遣舟師攻海寇於月港銅山清浦諸處凡七克捕斬六百餘寇自月港掠舟將遯入海遣義士沈講率所部兵與官兵犄角邀於東磴以巨艦衝沉之擒斬二百餘溺死者無算寇悉平是時師旅倥匆楸持以恬靜緩刑薄征節民省費大攻克集民不知擾又以月港安危所繫宜建城而分龍溪之半以爲縣寇用可弭其後竟設海澄縣楸本畫也既去民思之合祀于顧公祠萬歷二十三年入名宦

周賢宣江西萬安進士嘉靖四十二年任巡海道副使時

月港寇張維等既就撫猶懷攜貳賢宣密授畫于海防同知鄧士元擒維戮之反側始平精察民隱嚴飭吏治抑豪強正風俗郡民以化龍巖東西洋者界延汀間寇憑險嘯聚漳平尹魏文瑞奉檄討賊死焉遠近騷竄諸生曹文燧等建置縣入議賢宣力主其事議上臺院報可遂單車入境相地闢基爲築城計賊酋楊一朝明光等聚徒斬關入民不得工作下令陽爲招撫而陰使人縛之漳平餘黨走屯龍頭寨復蜚檄兩臺遣都指揮王如龍將浙兵六千人分道進剿以奇兵擣其巢悉平之乃請設寧洋縣治樹碣石於殺狐嶺作京觀焉賢宣學

有本源戎機鞅掌不廢講論禮潘鳴時施仁等爲五經
書院長揭陽明則言以訓漳士爲諭寧洋父老檄教誨
諄懃期于格心立講學會環轅門而觀聽者以千萬計
文事武備克兼之矣歷官福建布政使
張鳳來秀水進士嘉靖四十五年以巡海道駐漳南時瘡
痍甫平加意休息清靜節儉月所下郡縣訟牒不過二
三而已抑吏卒不妄差遣節里甲供應遷官日署內唯
帳器用悉署簿籍給領雖七箸細物位置如新可謂心
若止水政若陽春者矣

高從禮字質甫仁和人萬歷丙戌進士分守漳南道耿介

端莊以正率屬不少假借佐領及諸武弁俾遵制乘馬
各兢兢供職毋浚閭閻膏脂郡巨家及諸惡少往時瞋
目而鬪其捷者皆屏息於市父老手額稱歎以爲百餘
年來清政未有若此時者精吏事案無留牘爲地方興
利除害蚤作夜思或達旦不交睫以齋捧便道卒于家
海內惜之

舊志論曰郡當寇暴時邵公拮据危城躬爲捍衛其
計畫不無利鈍而卒歸平定周公芟夷大憝鼎建新
邑化鈐戟爲耰鋤澤施到今張公廉靖務與民相休
息高公持正表屬以功以德皆所謂沒世弗忘者乎

夫民生之安危在守令守令之視嚮在監司往弗及

傳傳耳目所睹記以俟後之人廣輯焉按前乎四君者在成宏間

有伍希閔杜啟漳人久視之矣而舊志無傳意操筆時未深考抑詳于近而畧于遠歟

陳起龍字念徐富陽人崇正戊辰進士十六年由御史出

為漳南道副使為政不專于寬以搏擊豪強自負而加

意惠愛小民先是知府施邦曜既去漳城宦僕及鄭芝

龍家兵恣甚起龍至一繩以法良善賴焉山寇徐連攻

漳浦起龍親率兵禦芝之血戰累日城賴以全未幾卒漳

人有像祀之南橋

前志論曰起龍可謂人傑矣以鄭氏之兵威而起龍

數抗之斬其降卒其破柱埋輪之餘風乎極鳴昇擲

事見兵紀既死而魂魄戀戀於漳記曰捍災禦患則祀之

君子望南橋遺址每歛歔也

知府

潘琳 白壽 徐恭 王仲謙 錢古訓

甘瑛 謝騫 張瓚 姜諒 汪鳳

彭桓 陳洪謨 鍾湘 張胸 陸金

顧四科 盧壁 桂嘉孝 唐九德 羅青霄

李載陽 韓擢 閔夢得 施邦曜 金麗澤

潘琳字師道山西平陽人以人才薦洪武元年由南昌守

改知漳州時天下甫定琳寬以恤民嚴以馭吏勸課農桑崇獎士類以故府治墜傾議改建而役大費鉅不欲勞民漳郡諸寺僧素多贏餘自請襄事許之四閱月而告成郡人林唐臣為記稱琳學問政事中外推先云

林云琳維揭人

白壽嶧縣人洪武中以監生擢知漳州府剛介廉平不屈于物治郡以簡要為本官無冗政民無雜科脩飭學校增廣生員文物為之一變去任漳人思之

徐恭字克敬永豐人洪武十三年以賢良方正薦署五軍都督府斷事推謙稱旨擢知漳州府長於吏事迎刃而

解時官軍收捕龍巖叛賊係累其男女三百餘口送府請置之獄恭曰此非先王罪人不孥意也乃具其事以聞詔釋之龍溪赤嶺寺旁神祠有毒氣鄉人中之輒斃恭令人各赴府言狀乃率吏卒取金鼓集祠下繫神詣前踏于地責以殃民狀問杖一百流三千里令奉香火者代承歎舉神擲之江翌日雷震有巨蟒死焉害遂絕南靖民婦雍氏貞節恭特上其事而旌之時學校初建恭躬為月課季考士底於成

正德志云恭事蹟湮沒姓名亦訛有裔孫鏞為漳浦縣丞乃出其家集而得其實以此

王仲謙洪武中知漳州為政有方既廉且慎政清訟簡崇

獎士類激屬風俗士民懷之

錢古訓餘姚人洪武甲戌進士知漳州以文章飾吏事表著忠孝激勵風俗當時甚有聲稱

卮瑛豐城人宣德丁未進士正統二年知漳州時軍衛橫年例關於有司暴取無厭瑛奏革之海門山居民多涉海為盜剽掠客船甚至殺人魚貫棄海上瑛以其民不可勝誅乃奏遷內地籍廢寺田給之至於興學校闢府治門路脩柳營江橋皆有足稱者

謝騫當塗人正統乙丑進士景泰四年由御史出知漳州府政尚嚴明鋤姦惡植良善漳人畏而愛之近海如日港海滄諸處民多化貨番為盜騫下令隨地編甲隨甲置總每總各置牌以聯屬其人戶約五日齋牌赴府一點校其近海遠式船隻皆令拆卸以五六尺為度官為印照聽其生理每船朝出暮歸或暮不歸即令甲總赴府呈告有不告者事發連坐騫出令不貳莫之敢違盜息民安各水寨皆蒙其庇

張瓚字德潤番禺人天順丁丑進士成化十年知漳州府有大鳥集庭樹舉首高丈餘瓚援弓射之中頸飛去是年秋大水漂溺田廬人民不可勝計瓚具船張筏極力救援先發廩賑濟而後申報當道惡其專瓚曰待報而

後發民死盡矣因奏減六縣田租有差城南橋衝壞卽
脩理之港道淤塞俱爲疏通又留意學校以漳學純易
乃爲延莆師授以書經後各成就解郡郡人爲立去思
碑

姜諒字用貞嘉興人天順甲申進士成化十五年知漳州
府初至水旱相仍民多爲盜諒散粟懷徠之盜不止乃
募盜以捕盜盜始絕漳屬縣龍溪漳浦田傍海多瀉鹵
爲築長堤凡一百八十六所龍溪南陂橫溪故有石堤
久壞皆補築之效朱文公法立社倉以社正司出納始
行于龍溪儲穀數千石仍下其法於他縣俾皆行之郡

中田賦爲里胥乾沒飛射詭寄者多諒悉斷理俾復其
舊旣又披戶版審田畝計丁數分爲三等遇徭役皆酌
量輕重以授之民役視舊減半作興學校表章先賢爲
鄉先生高東溪陳北溪立祠以爲學者矜式郡武臣顧
斌有平寇全城功其沒也貧不能葬諒爲葬焉諒長於
吏治爲政嚴終諒之任盜賊屏息豪強者不得肆民終
德之立遺愛祠於丙申橋及城南

汪鳳字天瑞弋陽人成化乙未進士宏治四年知漳州府
時境內盜起鳳先揭榜諭賊禍福乃引兵感之皆就擒
在任六七年寬以得民訟不決者命耆老雜議必盡其

情而後已程督諸生月朔望必蒞講堂親為教迪民有
訟不直誣奏及守復下郡理分鳳不為怒以理折之其
人自愧服他如脩文廟葺雙節祠作捍海石堤溯柳江
河水東注百餘里以興水利政蹟甚多擢貴州左叅政
未任而卒四子僕俊偉佃皆登進士人以為厚德之報
彭桓吉水進士宏治十四年知漳州府明敏嚴毅初下車
有巨奸莊積敬者為民患桓立致之死民大悅服脩南
橋重學校考課諸生鑒衡不爽期年丁外艱去

陳洪謨字宗禹武陵人宏治丙辰進士正德五年知漳州
府始創名宦鄉賢祠請莆田周瑛續淳祐以來三百年
未脩之志刻鄉約以化民俗通潮水以入泮宮給燈油
筆墨以資貧士立文公祠建社學興水利掩野豁招海
寇平山賊凡可以正俗利民者毅然為之毀譽不顧陞
江西叅政官至兵部侍郎有生祠

鍾湘字用秀興國州人宏治壬戌進士正德十一年知漳
州府先是南靖縣巨賊詹誼富等聚眾劫掠震動三省
既而侵逼近郊湘初至稅於射圃聞亂欲親往諭賊同
官止之既而大兵進勦擒其渠魁餘黨據寨者尚二千
人湘督餉軍前力主招撫賊為開路有一監司先入賊
驚避之及湘至賊熟視曰是也乃翕然聽命兵遂罷十

二年三月也因建議立社學買田延師以訓化之復采
眾議上聞設平和縣十三年陞俸一級歲大旱發廩賑
饑尤多所全活湘忠清正直在任數年行所無事卒於
官囊橐蕭然發柩日漳人莫不流涕既祀名宦復特祠
祀之

張鵬四川洪雅進士嘉靖元年由御史出知漳州吏事明
敏剖決如流建後堂改建廣濟庫立文會以興起士類
建表忠祠以激厲風俗在任年餘卒人惜之子可述進
士

陸金吳江進士嘉靖七年知漳州初至以計擒妖賊黃日
金等人隲其功蠲寄庄寺租百餘石民懷其惠有清操
去漳日行李蕭然漳人立石頌之

顧四科字齊賢嘉靖壬辰進士十九年知漳州府性寬洪
愷悌時當太平為政務與民安靜終日理事不聞敲朴
之聲或親戚相訟以理論之未嘗妄罰一人待士大夫
有禮與百姓有恩德惠藹然時有七不肯七不會之謠
杖鬼云公不起海兵以傷民命不糴海糧以累民財不
出官票以透番貨不弛番禁以滋海寇不縱捕盜以禍
平民不報夫保以累無辜不多准狀以助刁風所謂七
不肯也不杖殺一人不索民一錢不為已事役民一夫
不假詞訟罰民紙贖不役里甲毫髮供應不辱一生儒
以傷士氣不累良家婦女出官以虧禮化所謂七不會
也陞陝西提學副使民為立生祠

盧璧字國賢盱眙人嘉靖戊戌進士二十九年知漳州府居官廉潔蒞事嚴明承公私冗濫之後痛加省約尤好獎進孤寒士有困踣必培植之崇尚行誼士大夫謹守恬退者雖卑位輒與遊不厭行鄉約興祀典念唐將軍開創之勞清理威惠廟侵沒祭租以供歲費脩理城隍廟及各祠宇煥然一新工詩文政暇登覽多所吟咏因公事辭政閉門續修郡志親自編纂士子受成而已在任六年以改調去士民惜之

桂嘉孝成都進士嘉靖三十八年知漳州廉潔仁恕庚申饒寇犯郊嘉孝創造守城器具改窩舖爲敵樓悉心防禦城賴以全擢兩浙運使

唐九德字伯懋楚湘潭人嘉靖丙辰進士爲戶部郎有聲會土寇吳平猖獗四十三年擢知漳州旣至廉諸附賊者悉擒之因請兵勦除議者以賊盛難制不若羈縻之便九德力陳撫議非宜在復數千言中丞汪道昆意始決命戚將軍繼光討平九德先度諸要害預設備兵至旬日賊縛其梟黨陳縉卿獻于師乃調遣諸軍夜從間道夾擊大破之覆其巢山賊蘓阿普據穴旁掠因請乘勝撲滅山寨悉平是役也軍興之費巨萬一切倚辦於漳多方籌畫所需輒應故民不擾而師有成功事聞賜

金幣月港故稱盜藪建議設海澄縣親爲相度締造澄人至今祀焉輯書院於紫芝山妙擇書生高等課業其中月試之嘉與剴切士皆有成興利除弊著畫一之法與所部遵守民無不率教者旋擢福建監軍副使歷廣東按察使卒于家子斯盛萬歷丙戌進士

羅青霄四川忠州人嘉靖壬戌進士隆慶四年知府事漳當寇攘之後銳意興除以郡城守禦未備增建敵臺二十一一座及爲四門月城又以月港寇亂因民不得通販請於當道爲弛販海禁用銷弭之好堪輿家言於城東南築八卦樓以發地勝葺文廟及文公祠復創天寶學

田歲徵租百十餘石分贍諸生貧者漳軍餉故有額自汪中丞派丁四米八民間重困廼議減徵其半遂爲例郡有七心暴自正德間垂六十年文獻漸軼增脩之又建議除客兵練土著等一十八事騁見之行以挂議致仕去青霄伉爽自喜兩造當庭片言立斷其所營規畫皆足爲數世利一時若紛更而善績遺澤有不可得而泯者

李載陽字子春蘄州人萬歷丁丑進士十四年以侍御史出知漳州精敏疆幹郡完庫弊久不可詰載陽廉得其狀置吏于法椽屬凜然聽訟一訊立辨以郡境恆苦荒

盜市穀數千石爲備歲荒發之又諭民有蓄藏者第其
高下令平糶饑民賴焉清屯政脩城櫓飭戎械皆先事
綢繆廣開文會請復科舉額百餘名澄童子試詭冒令
寒峻者得進於造士尤加意焉秩滿擢陝西行太僕少
卿士民相與勒石構堂祀之載陽爲政參用權畧自其
在事黠吏豪宗不得肆橫于民故郡始而畏中而服久
而愈以思僉謂自嘉興表公諒以來所僅見云

韓擢博羅人萬歷丙戌進士二十七年知漳州明爽果決
育才勤事時內監高家初議權稅算及雞豚擢力在其
議七郡賴以晏然捐俸造文昌橋金矢之遺悉以充用

尋陞四川副使

閔夢得烏程人萬歷戊戌進士三十七年知漳州以寬平
爲政振興廢滯均石埭僧租還以給民關郡學泮池開
雲龍書院與士子講學論文先是郡志自正德以來歲
月旣久知府盧璧羅青霄先後纂脩未竣夢得繼之乃
輯爲成書卽今所謂癸丑志也四十年遷漳南道副使
士民立祠于學宮之左生肖之又爲立祠于東關至今
百餘年談閔使君無不嘖嘖者

施邦曜字爾韜餘姚人萬歷癸丑進士天啟初爲工部主
事時魏璫擅權諸曹郎皆奔走門下邦曜獨不往忠賢

街之乃亟請補外出知漳州府明爽廉幹被服布素而
 丰儀峻整人不敢干以私下車首鋤諸豪強不法者賤
 旱荒平鹽政威惠並行漳人呼為施青天海寇劉香李
 魁奇猖獗邦曜築萬松關起鎮門兩鉅臺護以城募勇
 士出其不意攻之香自刎魁奇大恐請撫求如鄭芝龍
 故事邦曜謂巡撫鄒維璉曰閩蠹一之為甚其可再乎
 卒與維璉討平之歷陞通政使甲申之變邦曜死焉諡
 曰忠介

鎮門城今廢唯
 夢劍閣尚存

前志論曰明有天下二百七十餘年漳二千石載于
 舊志皆表表者也徐羨陳鍾唐李文武張弛以經濟

顯陳績淳祐以來三百年未脩之志盧羅繼之至夢
 得而集其成使後才繼述有所藉手四明守漳超倫
 軼類先輩媿之紫陽入為納言捐軀殉國其古志士
 仁人之流歟獨金駢首海隅久未暴著攷其軼事著
 論于後

金麗澤不知何許人由貢生崇正末知漳州府廉靜有為
 廖淡脩聚眾作亂蹂躪漳平寧洋龍巖間民大騷麗澤
 卒兵與參將顏榮搗其巢斬之丙戌

天兵入漳麗澤與漳南道傅雲龍龍溪知縣涂世名被執
 不屈同時俱死臨刑麗澤章殊從容顧謂眾曰某以明

經歷位刺史幸得藉一死上報國恩志願足矣引頸受
刃觀者兩泣父老至今猶能言之

前志論曰丙戌之秋明社屋三年矣

天命有德大一統於我

清江左既平次及閩越如振落摧朽然而麗澤雲龍世名
執硜硜之諒自附疾風勁草君子有取焉載考前志
於元則有達魯花赤迭理彌實於明則有教授陳思
賢吳陳六生之數人利害死生皆不屑計而毅然各
遂其志當其時率有憐而表之者蓋臣道人紀藉以
贊翼不可替也世名傳於叔子魏禧雲龍止傳其與

麗澤世名同死他無所據豈亦有幸有不幸乎

同知

梁玉 吳黼 黃芳 龍遂 李畿

羅拱辰 姚應龍 沈銳 鄭堯章 盧崇勳

高士達

梁玉湖廣監利人洪武十四年舉賢良方正任漳州府同
知廉介精勤嘗脩文廟鑄祭器以征倭勞疾卒于官貧
不能歸尹劉孟雍為營葬名第山子孫寓籍龍溪

吳黼華亭人成化丙戌進士十八年同知漳州府廉而有
為愛民禮士

黃芳字仲寶崖州人正德戊辰進士授翰林院編脩改寧國府推官七年同知漳州府建議立先賢王東湖祠作歌諭民行藍田呂氏鄉約作詩勸諸生進德脩業爲人慎重寡言邃於理學不以文秣驕人在漳三年醇乎無議官至侍郎

龍遂永新人嘉靖乙未進士選刑科給事中以直諫稱因忤分宜外謫二十六年遷同知漳州府端方耿介人呼爲龍青天清戎理餉猾胥不敢夤緣造士以敦行謹爲本薄俗一變脩虎渡橋往來利涉蓋一代之直臣匡時之能吏也萬歷間崇祀名宦

李畿嗣蘄水人嘉靖壬戌進士由繕部外調萬歷三年遷漳州府海防同知先是莠民姦闖外境至勾海寇爲盜聞畿嗣名皆逡巡屏息署郡半載凡事從容閒暇若不經意疑訟滯獄堆案盈几目視數行下片言立折人驚爲神不遣一吏卒下屬縣嚴文牒催督而已事亦辦治才通敏而德性溫良民多德之歷官廣東監軍副使或言畿嗣治漳以惠治粵以嚴蓋時地各有攸宜云

羅拱辰廣西馬平舉人萬歷三年同知漳州府居官尚清約吏事精敏嘗奉委相視南灣議設官兵哨守築城立墩臺召軍民給牛種墾田五萬畝計畫甚周又與僉事

梁士楚督兵船破廣賊楊老等名震一時先是郡守羅青霄議建敵臺又以郡東南當巽方文峯稍遠議創威鎮閣以護風氣知拱辰有精思悉委成焉拱辰口授指畫方員尺寸悉合程度閣矗城上數十仞因壕爲基初翔時慮無不仆萬歷二十六年颶風大作墮城南樓三十八年地震甚所在傾圮而此閣巋然無恙海澄圭嶼有八卦城亦所築也著有戰守議皆切合時事後卒于官

姚應龍慈谿舉人隆慶三年任漳州府海防同知銳意興除其大者如發帑金儲海庾脩築營堡飭戰艦精簡閱申別海禁罪罰數載間海波不揚闔郡賴之應龍才猷揮霍性資磊落每與郡僚縉紳登臨名勝卽席賦詩千言立就追步唐人翩翩質有其文焉

沈銳錢塘舉人萬歷八年任漳州府清軍同知清嚴方正嘗代攝海防盡却番舶常例澄邑幕有以其私餽者面斥還之姦民吳雙引謀亂銳部分邏緝得姦黨密書輒焚棄示無株連以安反側民用晏然操履冰潔初終如一泉汀缺署郡者爭借銳爲重秩滿遷兩淮運同歷官四川憲使

鄭堯章東筦舉人萬歷十四年任清軍同知居官清約涖

漳凡五載初終一節衙齋蕭索無異廣文而寬仁樂易未嘗以喜怒輕笞箠一人事上官無諂瀆以清譽著聞擢刑部員外郎奉勅恤刑過里卒於家漳南士庶咸追慕焉

盧崇勳增城進士萬歷三十七年任漳州海防同知馭下以法不少假借奸猾惡之秩滿將歸羣下送半里許嘲之曰盧哥此去不復回爾腸何熱我何灰崇勳若為弗聞也未幾復任嘲者悉愧服遁去萬歷四十年署詔安縣事民知其明且嚴也相戒不敢犯詔邑山高海深潮廣諸盜多叢集為患崇勳捐俸每十里置一警舖調浙

兵十名守之道路以寧

高士達巴縣舉人萬歷四十四年任漳州同知性廉介慈惠嘗攝平和篆革弊端絕私謁常自誓曰關節無地可入公平有天共知以故士民悅服至今猶思之

通判

王禕 陸體仁 朱統鉞 曹澤

王禕字子充義烏人幼嗜學師事同郡黃縉博通群書嘗遊元都朝士多薦其文行不報而歸明太祖取婺州以爲椽歷陞同知南康府事未幾召還議卽位禮以事忤旨復出爲漳州府判上疏言人君祈天永命在於脩德

而脩德之要有二曰忠厚以存心寬大以爲政凡數百
言深見嘉納禕在南康爲政仁恕廉平至是復以治南
康者治漳嘗作漳南十咏以紀風土民俗爲人所傳誦
明年召脩元史與宋濂俱爲總裁官史成擢翰林待制
承直郎兼國史編脩官明初爲古文禕與濂並有聲于
時而禕尤號宏雅有典則洪武四年奉使招吐番行至
陝西之蘭州復召還五年正月以雲南未服改禕使雲
南見梁王把都說其君臣已有降意會元有自立於朔
漠者遣侍郎脫脫自西番來欲連兵拒明師逼梁王殺
之梁王不肯脫脫遂殺之時年五十二贈學士諡忠文

陸體仁蘭谿人以蔭補國子生嘉靖二十七年授漳州府
管糧通判性愷悌清潔追徵常平鎮海倉米常例分毫
不受署龍溪漳浦二縣緩贖盡歸公帑聽訟明敏關節
不到知府盧璧深禮敬之以表僚屬焉

朱統鈺江西鎮國中尉也初授漳州通判崇正九年署平
和縣事時草寇竊發統鈺至則嚴城池設圍隘練鄉兵
編家甲爲弭盜安民計甚悉流賊劫小蘆溪敵殺官兵
群盜聞風騷動親督兵直抵巢穴斬首俘馘餘黨悉平
士民建祠祀之黃道周爲之記

曹澤婺源舉人萬歷二年任漳州府管糧通判催科不擾

滌弊蠹絕苞苴宥貧難雪冤滯在任三年清白一節卒于官貧無以歛輿隸編民咸請賻助萬歷六年祀名宦推官

黃直 尹 瑾 龍文明 林棟隆 劉養楨

彭 瑄

黃直字以方金谿人嘉靖癸未進士三年任漳州府推官嫉惡好善誠心為民嘗署長泰漳浦兩縣擴學宮置射圃立文公祠建講堂齋舍經費皆取之活祠而勞不逮民每朔望泣學與諸生講義理日中乃退恤貧懲姦勸農雪冤士民德之然天性峭直不諂上官遭讒逮獄漳

人士為之作鳴冤錄而直怡然吟嘯自若事白二邑士民贈之金悉委以脩葺學校自號卓峯子既入京改判沔陽未行復以建儲事直諫得罪後放還天下壯之尹瑾東莞人隆慶辛未進士萬歷六年任漳州府推官性明敏而政尚仁恕民以訟至必婉轉開譬令其悔服治獄多所平反郡邑質成者咸乞詣尹公謂瑾以開釋為念必不冤也自處廉潔衙舍命蒼頭關畦蒔蔬出俸錢易鹽米外無長物嘗署郡兼攝諸館及署龍溪事慎刑平賦事以大治政暇每召郡邑諸生教以行誼督之課業得快士輒喜動顏色雖童孺執經至訓誨亦如之嘗

護軍舟中海波如山神色不異人咸嘆服擢給事中陞南太僕寺少卿遇漳人北上者必存問舊日子民及所訓士德業有進益否民思慕之相與構堂祀焉名其坊曰甘棠坊

龍文明永新人萬歷己丑進士十七年任漳州府推官敏練精明愛民重士署郡建四門社學立義倉清屯政核戎伍政績甚著六載陞刑部主事歷官山東副使

林棟隆號羽菴鄞縣人萬歷己未進士任漳州府推官遇大辟囚輒嗟嘆良久爲減一律署海澄餉務商舶常例一無所取有家人航海來群盜詢知皆曰此廉節推使

也相戒不敢犯商舶有遭風及羅於寇者輒捐其餉慈祥樂易民深德焉擢御史澄人爲立生祠

劉養楨字念衡四川大邑人崇正辛未進士初任漳州府推官性警敏以嚴濟寬親賢下士雖盛怒未嘗不假顏色五年署詔安時盜賊繁興一日逼縣燒民屋養楨登埤呼曰若知我至耶若第爲我煩苛故至此則我將更新但汝去順效逆非福也賊聞之咸忻躍投戈去初知縣事者以墨解綬胥役俱坐贓有繫罪者賂薦紳爲解養楨謝曰此固壞官暴民神人共嫉者君獨無此情耶解者大慚以武備久弛令城內外樹木柵夜必親巡脩

演武亭復民兵調練有法凡例應得者皆不以自私率
 充為兵餉遇事剖決如流庭無冤獄民以神明頌之
 彭瑄四川人崇正辛未進士授漳州推官古貌古心時號
 兩方推官署府篆驗庫日吏捧三百金以進曰此舊規
 也瑄曰今日革之後有索之者則為新例矣竟却之嘗
 署漳浦有山寇李推李隨謀襲縣瑄設計擒捕浦人賴
 焉後陞御史值闖賊亂執至庭僚友問有商量否瑄曰
 有何商量唯死而已遂遇害

前志論曰王子充一代人豪出叅郡佐官以人重豈
 不信哉與宋蔡君謨爭烈矣其餘大都仁心為質惠
 政宜人故信于後而傳之今無疑也自萬歷癸丑迄
 崇正甲申郡守佐莫攷者十之七八一善可紀等諸
 球圖因事核實或以政聲或以殉國雖各從類附然
 搜隱拾遺不無餘憾焉山巔水涯裨官雜記當有旁
 見側出者是又俟諸其人也夫

龍溪縣

知縣

劉孟雍 李景芳 姚鵬 曾鵬 范鳴謙

沈昌期 涂世名

劉孟雍南昌人洪武二十六年知龍溪縣釐革宿弊吏畏

民服秩滿擢祈州邑人奏乞留之得旨再任

李景芳廣西宜山舉人宏治十二年知龍溪廉以律已方以事上慈以愛民有公用必爲民樽節郡庭易一柱計工四十金景芳自往易之僅十之一後調海豐民思之不置

姚鵬浙江崇德進士宏治十六年知龍溪明敏有幹局以外艱去百姓思之

曾鵬字元翰瓊州進士正德十一年知龍溪平直簡易時剿賊方已鵬一鎮以雅靜民賴以安立石頌之

范鳴謙字貞夫江陰人隆慶辛未進士萬曆二年知龍溪明敏果斷勤恤民隱慎賦平刑飭兵防作士氣政有宜于民皆毅然任之縣有陷江虛懸米一千六百餘石民苦賠累謙喟然曰安有民已失業而責之輸無田之賦者乎吾聞激水之下必有洄流之所是生泥泊可築爲田若按田之廣狹受懸糧之多寡賠累可去也乃躬率邑丞等自詣築田沿坵履畝得田園六千四百餘畝又察諸詭沒者悉令歸戶於是補懸糧外尚溢額二百五十餘石民所疾苦一朝若失士民勒碑頌之八年報最行取

沈昌期字廷際太倉州人萬歷癸未進士十二年知龍溪

以寬仁噢咻其民異時徵收率用收頭昌期至即革去
 令民自輸納自是無包侵之害姦僧藉口軍餉增租價
 病民乃建議官徵之法先完糧餉而後給僧焚脩公私
 兩利居恆愛民禮士被容接者如坐春風中雖兒童走
 卒咸得歡心在任四載擢吏部主事後因事降潮陽道
 經龍溪士民爭攀留感泣遮道不得行古之遺愛也
 涂世名字仲嘉城人天啟丁卯舉人崇正末知龍溪丙
 戌秋

上師入漳世名不出降既被執不屈死焉長子常吉從及僕
 黃錫黃羊王亨蔣三同日俱死家散新任知府祝登元
 推官李毓秀龍溪知縣徐國章義之登元首捐金贖世
 名二孫與毓秀國章厚其贖且手為疏募於象漳人士
 素德世名淡旬醜金三百餘兩其少子出乃歸柩於新
 城寧都魏禧為之傳世名偉幹脩髯善飲談古今事慷
 慨激烈卒成其志居官清介自持父老稱說姓名有泣
 下者多惠政按籍燬于兵今不可復識矣

漳浦縣

知縣

張理 梁碩 林瑛 劉璧 王臣
 胥文相 周仲 鄭禧 慎蒙 劉欽命

漳州府志

卷之三

官績二

三

三百四十六

房 寰 朱廷益 楊 材 王 猷 黃應舉

汪泗論 蔣 英 余日新 鈕應斗

張理字玉文鄱陽人洪武初由黟縣改知漳浦時詔徵屯田軍赴京師萬戶吳世策乘機以衆叛理集民兵攻破之斬世策因具奏免屯軍徵繼又磔海寇巨魁林仲明鄭民長等遠徙土豪黨與境內大安乃重建文廟及群祀壇脩廢舉墮先是知事孫希慎常有求勿獲反以墨敗誣及理乃并逮理既得釋卒于京師理與宋學士濂善爲人意氣自豪醉墨淋漓鸞踏鳳翥居官日命子負販自給及身沒囊無一錢

梁碩吉水進士永樂十八年知漳浦惠愛百姓禮賢下士

公暇講學以淑生徒怡然如家人父子人感慕之以良

吏稱

林瑛歷城人景泰四年由太學生知漳浦時兵燹之餘民不聊生而豪梗尤爲民害瑛至問民疾苦而休息之有犯者輒按其罪不少貸性淡泊簡重僚屬斂肅不三年卒于官計其祿餘不足供輿襯之費邑人哀之而服其廉

劉璧字次璋廬陵人景泰甲戌進士歷御史成化五年出知漳浦疏通明敏剖決加疏旁邑持不平者來質各得

其理時民出多欺隱璧奏例較量履畝定則百姓稱便
七都田多水陷璧為分豁得宜惠澤尤深在任數年興
學校立社倉建里社鄉厲壇百廢具舉擢知桂林府民
為立碑頌之

王臣字獻可安福人宏治初以監生任縣事英厲有為人
不敢平以私作諭民善俗條頒行坊里重建學宮戟門
城隍威惠二廟決東南陂障數十疏滌河渠脩五鳳橋
來往無病涉者南溪趙渾紀其事于碑

胥文相字士衡巴陵人宏治乙丑進士正德二年知漳浦
時苦蝗患文相引隱脩備蝗悉赴海死歲賴以登邑金

谿山銀礦歲久脉微取不充額重為民病文相詣勘奏
罷之未幾以部郎擢去士民為勒石于道左

周仲字南仲吉水舉人嘉靖五年知漳浦剖決如流吏民
畏服先是浦未有邑志仲首為纂輯濬傅公河立名宦
鄉賢二祠脩葺社學郵置橋梁道路振滯興廢境內煥
然陞交州通判子汝完進士

鄭禧字宗慶縉雲人嘉靖十年以舉人任縣事禧故浙東
名士與惠安張襄惠交好好論天下事嘗謂今人事不
足法當法古人古人不能盡法當法其心為政以愛養
民力變化風俗敦節行崇名教為急尤精于學庸政暇

輒進諸生口授之凡斷獄必依經義有弟訟兄者禱曰
事輕倫重乃為陳父子兄弟之親令自感愧邑自析置
詔安苦賊重禱言上官得條減四十餘徭一時重其才
品未幾陞安慶府判

慎蒙字子正歸安人嘉靖三十二年知縣事明察果斷所
彈擊不避貴顯居間路絕有盜負山海而竊者諸奸黠
亡命多歸之蒙廉邑中豪擇膽武陰重不泄十餘輩俾
偽與盜通佐之攻剽聚落即密報蒙蒙部勁卒急擊之
所遣豪從中應縛其巨酋三十六人餘無脫者威行邑
中道不拾遺徵拜南御史以論擊胡宗憲為所陷逮下

獄宗憲敗乃釋歸家益讀書多所纂輯

劉欽命廬陵舉人嘉靖三十五年知漳浦明敏愷悌剖獄
咸得其情三十八年倭侵境以縣城卑薄不足恃各增
築高五六尺適浯潦堞壞寇立至設法築柵禦之且戰
且築日夜巡邏勸富民分食饑者以消內叛寇聞其威
惠亦引去陞均州知州士民樹碑以紀功德仍於懷德
祠塑像祀之後守均州以不阿中貴為所中械繫赴京
事白請通判楊公博奏其才調大同禦邊

未幾陞平
慶知州

房寰字中伯德清人隆慶戊辰進士萬歷元年知漳浦卓
犖有吏才政弊民隱無不周知仕族子弟間敗類無良

寰廉得其尤者置于法邑多劇盜悉捕渠魁窮治之盜以屏跡時有權鹽召商之令所在騷然寰抗言不可當道不能奪竟罷權其風力強幹類如此尤加意學校考試輒按里籍稽察甚密詭冒假借宿弊廓然一清故所拔皆知名士丙子一科得人爲盛任五載擢侍御史侍郎洪朝選紀其事

朱廷益字汝虞嘉興人萬歷丁丑進士五年除漳浦令標尚高潔以文學飭吏治外若退然至事關民間利病侃不可奪先是鹽運司議召商行鹽前令房寰力爭議罷未幾有捏名稱鹽坵稅太重仍請召商臺使者下其議

廷益曰此非浦民乃駟商駕詞爲姦者也因上牘力言非便事得寢歲饑發諸倉所儲穀以食餓者又發庫金募饑民脩築馬道全活萬計兩臺躓之檄通省爲式後考績列其事科臣指爲沽名請宦賴公論竟白官至通政司通議

楊材字樗散懷寧進士萬歷二十年令漳浦性沈涵恬澹臨政不尚警擊惟惓惓化導里無重辟庭絕私謁丁酉歲歉親履村落覈貧民給其食全活甚衆諸科稅不便於民者力請上官蠲之民甚德焉陞吏部主事始終以清白著聲

王猷字在吾慈谿進士萬歷二十七年知漳浦甫下車以
邑形勝發源摩頂山地脉崩壞前令楊材倡議脩築木
就徵贖緩佐役六載告成值內監設雲霄鎮稅爲竭澤
計猷力陳諸當道條析利病以去就爭之事遂寢有妖
僧從普自潮陽至每夜置符人家輒見怪復自鬻符治
之猷廉得奸狀立斃之獄妖遂息脩學校及智信二社
學建城樓公署橋梁陞南工部去之日浦民立祠祀之
黃應舉字宏選南海人萬歷甲辰進士三十三年知漳浦
神姿警異識度淹暢庭無留訟民帖服以爲神君接士
大夫有禮法之所在卽豪有力無所假借嚴治民間禱
蒲者挾佳治汚市門者悉避匿去盜賊鈎其尤甚者錮
之于時夜戶不扃案牘消隙樂與名流相酬往加意造
士所掄拔多異才上計入都留拜比部郎奉使卒于家
年僅三十有五康熙五十一年祀名宦
汪泗論休寧人萬歷庚戌進士知漳浦應得陋規悉革去
聽訟不喜加刑但以理遣民自悅服性甘淡泊時有門
清如水邑理如家之誦繼黃應舉而爲治應舉頗尚嚴
泗論濟之以寬至今人稱之曰黃父汪母也歷陞太僕
寺少卿康熙五十一年與應舉同祀名宦

蔣英字瞻岷嘉善人萬歷庚戌進士四十一年由松溪令

調漳浦潔已愛人鋤強植弱聽訟務躬斷不徇干請邑
有斷腸草服之輒殺人英令輸贖緩者薙草代之一時
遂絕歲凶請發倉資買糴捐俸煮粥全活甚衆甫及暮
以外艱去士民立石紀其政

余日新字瞿父龍游人崇正甲戌進士七年知漳浦性愷
悌恬淡喜怒不形而胸中涇渭自別履任七載案無留
牘利興弊革擢侍御史士民立祠北關外祀之子恂解
元順治丁酉典閩省鄉試

鈕應斗嘉興人崇正癸未進士知漳浦年二十餘敏於吏
治歲荒米價騰貴捐金市粟減糶邑無饑焉平錢法除

叛民以消逆黨時當^鼎大兵踵至應斗不動聲色視
事如平時既而避地潯江逾年始還里杜門不仕以疾
終

長泰縣

知縣

鄧清 張從道 阮思聰 趙銓華 陳愚

劉奎 陳良 劉鏗 劉奎博 朱絃

王用文 張傑夫 蕭廷宣 侯嘉祐 方應時

蔣良鼎 管楠 文可楠 郁文初

鄧清山西陵州人洪武三年由儒士薦知長泰悉心撫字

均徭役清詞訟省刑罰時稅歛革姦弊凡解舍壇壝橋梁道路爲之一新涖任三年凋瘵以蘓流移以復

張從道解州進士洪武十二年知長泰崇獎學校勸課農桑持已端莊涖政嚴明雖盛暑不去公服燕居亦無褻慢陂塘衝壞以時脩築朔望入學講課諸生在任三年事皆釐治吏服其明民感其惠

阮思聰海寧人洪武十三年舉方正知長泰廉而有守明而不苛抑強扶弱尊賢勸善脩壇祠設橋梁賦役均平訟簡民安

趙銘華亭人國子生永樂三年知長泰剛毅有爲事無停滯法令嚴明姦頑斂手賦不及貧逃竄者率復其業後卒于官

陳愚江西上高人初以人才舉任驛丞永樂十二年陞知長泰慈祥愷悌平易近民訟者以理解之使各自喻人皆悅服遇難事先爲處置均平然後使民趨之葺壞補遺不重勞民力嘗易地以建射圃農桑水旱尤所究心公忠無私愛民有實三年之間治教脩而德化行時謂得牧民之體

劉奎博羅人宣德元年由國子生知長泰凡境內陂塘溝洫衝決壅塞者皆募工疏治民戶逃亡田土拋荒者令

里老招回復業務使得所縣多浮糧里甲以賄賂傾家
奎計里戶之多寡度其輕重均平貼納民不重困縣東
南有朝天嶺崎嶇蕪鬱盜賊剽劫奎奏設巡檢司以巡
禦之由是往來無虞九年秩滿民相率借留當道以聞
陞授承務郎仍掌縣事再歷三考凡二十一年致政歸
陳良會昌人成化五年以國子生知長泰清慎公勤鞭朴
不施每躬巡阡陌勸課農桑召惰農諭以衣食利害之
原無農具種子者籍其姓名而補助之有爭訟者詳其
曲直無所壓抑暇則視學課諸生夜巡坊衢緝訪賭博
故貧者有資而姦無所容民愛之若父母秩滿歸家卒
百姓聞之哀慕不已

劉鐸字振文麗水人國子生成化八年知長泰廉明練達
政尚寬簡勸課農桑留心學校疏治陂塘壇廟解舍無
不脩葺每朔望則對神禱誓不為蠹政害民之事歷任
九載始終如一事集民安畏威懷惠及去民立碑思之
趙珮字鳴玉嘉興監生正德十年知長泰課民耕讀勉以
勤儉當入覲百姓知其貧相與醵金爲費卻不受及再
任以老乞歸百姓餽金倍於前拒之益堅衆爲立卻金
亭以比懸魚之操云

朱紘字廷和無錫人宏治壬戌進士授監察御史正德十

三年出知長泰清介自勵公正不阿剔弊舉廢興利除
害均徭役以蘓民困尊師道以育賢才恤孤備賑禁賭
息爭創築縣城以為保障秩滿遷知州

王用文浙江建德選貢嘉靖二十七年知長泰強敏善記
事無巨細經目不忘聽訟明決豪右宿猾莫敢犯任三
年無一吏胥至鄉者每丁祭必竭誠致敬諸生按季考
試加意作興時稱善治去之日囊橐如洗邑人惜之

張傑夫新會進士嘉靖三十一年知長泰為政務與民休
息莊敬自持立課程以督諸生所賞識率知名當世邑
奸民魏某等陰聚黨謀據城為不軌約以某夜舉民惶
愕無措傑夫巡歷城中嚴為之備奸徒知事洩夜亡獸
散邑賴以安

蕭廷宣廬陵舉人嘉靖三十五年知長泰精明而民不擾
發姦伏平賦役嚴賭博妓女之禁境內肅然時值倭亂
慮城垣卑緩急莫恃計民糧分派之增高三尺改建城
樓添設舖舍濬壕隍飭戎器越明年己未倭以萬眾突
至攻城廷宣親率諸生王得麟等督民兵晝夜拒守捐
金募勇士與戰殺賊數百復斬為內應者二人投其首
城下賊洶懼拔營遁去城賴以全後擢知徽州百姓詣
道府乞留賊平乃赴新任

通志云己未之役大帥擁兵
賊退乃至百姓怨其不救閉

城拒之廷宜與諸生登城責帥帥大恨言于
上官廷宣幾不免得麟死杖下餘皆落士籍

侯嘉祐廣西橫州舉人隆慶四年知長泰舊例令私費多
取辦於民嘉祐悉除之稽按錢穀置侵蠹尤甚者于法
吏由是不敢為姦聽訟必原其情微瑕細故釋不問十
邑訟者皆乞詣長泰臺司以此異之體素羸萬歷元年
春大旱為民禱兩拜起日中羸益甚踰年以疾乞歸臺
司勉留之竟不起死之日橐中裝惟俸金數錠乃日前
博士俸入皆在焉士民哭泣罷市遮道奠祭共建惠民
祠以祀之初嘉祐因歲旱穀貴欲效古社倉之法穀賤
而糶貴則糶之價不加增且得便宜斂散出俸金二十

兩為糶本土民咸出貲佐之及歿士民痛祐貧特甚賣
其粟為贈側室三人哭曰公為民而穀而忍自以為利
且公無丈夫子又安所歸固辭不受士民悉以為建祠
費

方應時字以中浙江遂安舉人萬歷八年知長泰才識開
敏吏事練達銖兩之姦必知見惡必鋤雖權貴無少避
嘗修雉堞以固防禦濬陂塘以備水旱築石岡山以增
文峰之勝愛民禮士每朔望次日集諸生明倫堂課督
之為供筆札庀飲食第其甲乙士爭自矜奮得雋稱盛
遷端州貳守去民為立祠尸祝焉

蔣良鼎常州武進進士萬歷十九年知長泰公廉有威制
煩治劇吏不敢欺常著耐煩說于座右以自警關節一
毫不到人有訝其執者應之曰權一日不執則隳民將
何賴余之執乃所爲通也課勗諸生輒言當以天下第
一等事自任治未幾月廢修隳舉築城內道千餘丈至
今無苦雨潦旋調繁龍溪以憂歸囊橐蕭然漳人思之
立祠于東郭外

管楠南陵進士萬歷二十七年知長泰革諸無名陋規免
麻戶新文廟朱文公祠疏陂渠清屯糧寺租時礦使暴
橫商徒擁聚人情沟沟楠爲裁抑防禦民免其累嘗攝
龍溪風清弊絕秩滿擢監察御史民爲立祠蔡復一勸
詩於石以紀之

文可黼涪州人崇正元年以蔭貢知長泰家素裕攜貲之
官下車值歲祲出已貲賑粥苴者葬之催科有法逐梨
園禁師巫抑權貴舊例賦入有耗羨到任新春有鋪陳
執事悉卻之吏曰此例也或曰革羨餘宜并革贖鍰可
黼曰羨餘民之膏血安忍取之贖鍰所以罰有罪無贖
鍰是無法也且吾藉此以葺先賢祠宇又何私焉會御
史行部有權貴以私憾密投謗揭堂察日御史詰之詞
色俱厲可黼侃侃爭辯解印綬告歸泰民大噪於轅門

御史驚召問狀慰曰吾還汝令若何民崩角既而可黼
入謝御史以揭示之且誠曰事賢友仁聖人之言足為
著蔡可黼曰惟賢故可事惟仁故可友聖訓原自不錯
御史改容謝之期年卒於官民罷市巷哭如喪考妣

郁文初蘄水明經崇正十五年知長泰初閱城見雉堞庫
薄守禦空虛召父老曰天下將亂汝曹其不免乎於是
浚濠壘堞勸富人出粟實倉製統炮千餘藥彈饒備以
意作鐵火垂懸堞外半城以防潛伏旁有兩翼風雨不
能熄練父子兵置儲賢館有通天文術數遁甲陣圖者
款以上賓曉器械刀法者日給米三升其作用皆出人

意表而不費公帑一文當時目以為迂迨順治壬辰海
寇圍城四十九日泰卒保全者文初先事綢繆之力也

南靖縣

知縣

楊通 林廷真 陳士名 張本 徐恂

丁玘 郭大鯤 殷伯固 曾球 陳宗愈

楊通綏寧人洪武二十七年知南靖平賦役興學校毀淫
祠以創公廨不派取於民既去民猶思之

林廷真象山人正統二年知南靖忿怒不形權貴不避嘗
買學前民地廣二丈餘以開民路四年八覲過楊子江

颶風大作同濟者八十人皆沒於水惟廷真與其從者二人得免祀名宦祠

陳士名字孟聲無錫人正統末鄧寇爲亂邑里殘破刑部尚書薛希璉巡撫八閩奏乞練達老成宜爲令者分布各縣景泰壬申士名以貴州衛知事考績京師吏部以狀聞命乘傳來任時公私廬舍焚燬百姓流離殆盡士名多方採輯賑濟饑餓不三四年官有廨民有家學舍有絃誦而縣治始復厥初四年秩滿致政民攀留不遂立碑大書曰陳公愛民父母

張本餘干舉人成化十三年知南靖公勤廉恕愛民如子

不立刑具初至捐俸葺縣堂募庫工甫畢而上杭溪南寇至乃圍集民快招募畚客以扼險隘賊不敢犯後丁外艱去民相與立碑久而思之

徐恂字信夫嘉定舉人先知岷縣有聲正德戊辰再知南靖有學有守除姦革弊吏畏民懷嘗以節縮之餘營建學校門牆齋廡煥然一新會山寇起恂親部兵快齋糧餉以遏賊鋒賊聞有備不敢入境以勞勩成疾而卒閩縣民痛惜不已

丁玘字中介丹陽選貢嘉靖十四年知南靖尚節愛敦儉朴政暇輒請學與諸生講論經籍剖析疑義諄諄以德

行爲本又選民間子弟羣之小學延他郡名士爲師士
翁然向風歲大饑諸發粟賑之又捐俸爲粥設法給散
徧及山谷之民全活者衆末年投牒歸老穉相率訴留
不可得立祠祀之子一敬知州一中泉州同知

郭大鯤字時化海陽人嘉靖辛丑進士二十一年知南靖
廉以律已明以察奸清糧賦之宿弊詰吏胥之狡猾興
學造士鋤暴抑彊禁服毒而民不輕生刑賭盜而民安
本業上官嘉其能委督八閩黃冊以勞成疾而卒邑人
哀之祀名宦潮人亦祀於鄉賢

殷伯固博羅人嘉靖三十八年知南靖愛民惜費作興學
校增置齋舍勸大戶出粟賑饑嚴禁圖賴以安良善時
饒賊張璉倡亂本縣永豐民相煽而起聚衆八百餘人
直逼縣城伯固單騎出城諭以禍福衆悉遁去三十九
年十二月饒賊突至率衆固守賊不得攻次日復來親
督鄉兵出戰斬首數級賊漸解散四十年六月以調去
任八月賊始陷城復改泉州教授

曾球海陽舉人隆慶二年知南靖時當兵燹之後撫疲民
興學校葺城郭皆身蒞其役以白免之爲民害也首行
清理之法邑西橋南有田數千畝恒苦旱球爲鑿新渠
通海子潭達銅山草湖諸處民用灌溉遂爲沃土又嘗

開濬城濠引溪流而東之墨塲等二十四鄉俱沐餘潤
呂司成曼爲立碑紀績焉遷泉州通判靖民建祠祀之
孫用升進士御史

陳宗愈新會人萬歷己丑進士二十一年知南靖廉明強
幹始議復建舊縣令有田而富者各自占高下出貲遴
邑中自愛而能頤指人者董其役凡七閱月而城郭學
校倉廩廨舍皆次第告成且築高塔雙溪口以助形勢
上不損公下不勞民植弱鉅強公聽斷小過輒釋有訟
田者雖盛夏嚴寒必履畝躬視片言立折民欽之若烈
口愛之若甘雨陞南大理評事士民立尊祠祀之

平和縣

知縣

羅幹 王祿 姜遂 陸宏 楊守一

孫汝達 藍士龍 鄒人昌 王立準

羅幹字定本永豐人一峯先生仲子舉人正德十四年知
平和時建縣之始百度未飭幹悉心經理胸有成畫蓋
將加意斯民者未逾月死于瘴民咸哀之

王祿字汝學新城舉人嘉靖五年知平和時尚草荆祿治
邑如家愛民如子開社學置學租飭壇廟設義塚脩舖
舍立養濟院建申明旌善亭在任五年庶事畢舉而民

不稱勞性剛介以鋤強植弱爲政嘗獻議大禮及請立皇儲人躡之與時不合棄官歸養民爲立去思碑

姜遂初臨川舉人嘉靖三十八年知平和勤政潔已時饒賊掠近縣城晝則督兵追捕夜則嚴加防守卒保城池賊退多方撫字身不暇恤致冒嵐瘴卒于官士民惜之陸宏字汝充長洲舉人隆慶五年知平和廉介慈惠革舊例除火耗一薪一蔬不取于民嚴服毒之禁政平訟理秩未滿以憂去行李蕭然歸無資上官各捐俸贈之士民立碑以紀遺愛

楊守一泰和舉人萬歷二年知平和性沉毅明敏訟決如流胥吏不能爲奸首崇學校課諸生人文駸駸盛廉巨猾爲民害者置之法境內肅然諸如嚴圖賴之禁寢丈量之議清官地之稅皆政之善者遷別駕去民爲建祠祀焉

孫汝達字上之江西德興恩貢萬歷七年知平和愷悌廉介清浮糧均戶籍絕徵收火耗歲荒輒發倉廩賑民和故有礦峒封之而嚴其禁以息禍幾喜接引士類所識拔旋蜚鳴去當道交薦其賢能再任六年民德之爲立祠建碑焉

藍士龍字起潛雲南元謀籍金谿舉人萬歷三十七年知

清江府志 卷之三十三
平和政尚簡肅詞訟不遺一隸聽原被自至而公斷之
嚴妄報圖賴之禁催科有法奸胥無敢包收飛詭者巡
行鄉里雞犬不驚陞河東鹽運副囊橐蕭然至稱貸以
行論者謂清風高節設縣以來所未有也建祠歲時祀
之

鄒人昌字參廉麻城人萬歷庚戌進士天啟二年知平和
坦易廉潔聽斷據理立剖胥吏無敢稟一言士大夫無
敢通一刺催科各立程限有贖鍰盡以蠲貧民陞刑部
主事民攀留不得相與勒石志其政績云

王立準字伯繩臨海選貢崇正六年知平和初至計擒李
芒白虎湯豹狼等寇以大歇嶺好究出沒之地設五隘
擊柝相聞剽掠患息特建王文成公祠刻其全集禁日
蓮會之惑民者尋陞連州知州士民請附主配享文成
力辭不受

詔安縣

知縣

- 何春 龔有成 梁士楚 夏宏 黎天祚
- 周立

何春雩都舉人嘉靖十八年知詔安春嘗師事王陽明先
生學以聖賢爲的其牧民不拘於簿書期會間政暇詣

明倫堂與諸生講論示以爲學趨向教民行鄉約習文
公家禮毀淫祠禁圖賴當縣治新設務以化民成俗爲
已任未久改知含山行李蕭然民至今思之

龔有成嘉定舉人嘉靖三十五年知詔安時倭饒二寇俱
發上寇乘之大肆劫掠有成繕城浚壕調兵防禦增高
城垣三尺建南門月城築敵臺五座晝夜經營不遑寢
食三十八年剿滅溪東土賊鍾宗桓等次年又剿小篆
賊吳相等四十年以民兵戰倭於三都解後溪圍其年
冬倭以數千人攻城有成禦却之忽一夕賊壓境大雨
城壞有成先取犁鋪牛皮覆其外且禦且築天明而城

就賊詫以爲神先後六年被倭寇者十饒寇者二土寇
者三有成內和外戰爲漳南保障第一功阮中丞鄂大
師至詔一聽有成號令秋毫無犯旣以梅嶺多賊嚮導
并其良欲盡殲之有成堅執不肯署議卒罷全活萬人
尋調江西龍南縣陞贛州府同知位不配勞士論惜之
梁士楚番禺舉人嘉靖四十一年知詔安時龔有成去任
倭饒巨寇猶未平諸大帥兵馬雲集士楚措置經營不
遺餘力糧餉船隻應時立辦以故得將士心民無搔擾
先後相機剿撫自率民兵擒斬倭寇千餘名撫散山賊
鍾旺雷晚春等六千餘人又擒斬吳平海賊一千八百

餘名撫散餘黨五千餘衆威惠並著人埒之有成焉又以縣治窄狹百姓半居城外請築北關圍城一千二百餘丈築西關圍城三百餘丈撫按交章論薦擢僉憲未拜以憂去起復仍補福建僉事練兵于詔嘗築二都勻藤徑新陂灌田千頃愷悌性成利害興革不憚爲瘡痍請命詔人至今祀之父老譚龔梁間遺事猶有歛噓泣下者

夏宏海陽舉人萬歷二十二年知詔安學問精遠悉本之儒先以興起斯文爲己任建文昌閣扁其堂曰正學置義塚三處恤貧窮賑鰥寡政尚寬簡其去也人多思之善臨池撰述甚富所著有太極衍義渾天儀考五經字考等書行世

黎天祚東莞舉人萬歷三十年知詔安嚴謹自持勤于政事吏不敢欺人不敢干獄無冤民却例金行保甲建南山塔以助文峯所興革必於民有神時海寇陸梁天祚桑土牖戶邑人賴焉詔人亞之梁士楚祀于邑之西偏周立粵西宜山舉人萬歷末年知詔安方嚴寡談笑人擬之包孝肅惟聽訟必惻容溫語務得其情興教化省刑獄官舍蕭然故事郡邑考成以催科爲殿最立當滿之數月遯事方棘而絕口徵餉百姓感其平日輸將恐後

在任五年興革最多如却常例革舖行禁誣扳嚴保甲
脩道路築津梁皆其美績之可書者擢知和曲州

海澄縣

知縣

王 穀 周 祚 龍國祿 姚之蘭 劉斯琰

余應桂

王穀浙江臨海舉人隆慶五年知海澄用意真誠不任術
數厲介操勤民務邑初建卽入都舊堡爲治土垣庫陋
當道始議城之穀承議派徵多方調停均以闔邑之丁
糧充以入縣之郵羨晝作暮程細鉅必親逾年城成民

不知擾邑人號其城曰王公城旣去特祠祀之

周祚蘄州舉人萬歷二年知海澄邑新造號稱難治祚幹
濟開敏遇事迎刃而解闢荒招逋以實戶口覈賦清徭
以絕弊蠹舉鄉約保甲以敦民俗尤加意作人規恢黷
泮邑人文實賴振起督撫龐公稱其持廉守法治行第
一內召闔邑思之

龍國祿字廉孺廣西桂平人萬歷乙未進士二十六年知
海澄卻常例顏其齋曰如水念澄民多訟每卽訊故遲
其期使各悔禍訟以少稀獨豪橫及吏舞文者朝發夕
卽逮治唯恐不逮也採權事起中璫高家入闈威權旁

震國祿分庭倨見嚴戢澄民之爲璫用者家軒車用八人昇國祿下令縣中悉低狹其柵門使不便於動轉家氣奪澄人至今傳爲笑談竟以不善媚故改調去父老相率詣臺乞留不得去之日送者塞途數百里乃返生爲立祠最後兼祀名宦

姚之蘭字汝芳桐城人萬歷辛丑進士三十一年知海澄邑故有永平庄田屬澄而龍治其賦隔屬滋弊又鎮海倉者衛故隸浦而密邇澄軍儲上納歲徵諸澄澄民苦賠累且重趼以守之前今龍國祿陳其害未得請之蘭至申請益力於是庄賦歸澄倉糧改祈積年重負獲息

肩矣九都自普賢草尾一帶旱苦積鹵特令濬渠於祖山通石碼河淡潮以滙於澗而達諸泮池躬步隴畝日夜經畫迄底厥功百世之澤也瓶置學田供學宮費餘以贍貧士士民交德焉丁外艱去後歷杭汀二郡守卒祀名宦子孫築孫棐棐子文然後先進士

劉斯堞字太容南昌人萬歷丙辰進士天啓二年知海澄笑容止而峻丰承待下以禮而方於事上權豪屏跡學宮港口二城且就圯斯堞悉令易以石未幾寇迫近郊斯堞鎮之以靜寇自遁去由二城堅固與縣城相爲犄角也築陣水濬置銃砲待敵後人銃城砲臺實祖其制

擢給事中歷吏科以忤旨奪官

余應桂字二幾都昌人萬歷己未進士故令龍巖崇正元年以強幹調繁知海澄其初至也念澄多海寇警相度要害築溪尾大泥兩砲臺繚以周垣如城而於中築關聯絡之號曰中權沿溪砌石爲腰城長二百餘丈各置砲孔賊艘八發擊之輒沉溺由是相戒不敢犯性明敏善剖決事無大小皆一日立斷擢御史去後巡按湖廣以論張獻忠不宜撫下獄然其言竟驗云

前志論曰明初漳屬縣六中更禍亂析置爲十溪浦衝繁由來舊矣餘雖繁簡相當要亦畧有差等也諸君子或締造經營或蠲民所疾苦興百世之利捍大患禦大災宣昭義問丕式見德較其所獲與私便身圖者孰多耶漳郡志自萬歷初至今百五十餘載弗脩宦績寥寥焉文之不可以已也如是夫余應桂在澄而澄倚爲長城詩曰維其有之是以似之各繫其事有以也

縣丞

劉伯翼 趙善端 紀 鏞 陳 炳 黃 信

劉伯翼江西永寧人永樂四年授龍溪縣丞爲政施爲有方操持無失均賦役省徵科民懷其惠

漳州府志

卷之二十三

官籍二

禮

四百廿一

趙善端新會人宏治四年以監生授龍溪縣丞持已廉臨民寬事上不諂人以良吏稱之

紀鏞永豐人正德六年任漳浦縣丞十一年廣寇滋蔓屢

為民害鎮巡會兵追捕賊退保大帽山寨據險自固鏞

率民兵深入攻圍賊突出禦之兵潰鏞馬驚墜坑谷中

被殺死無全膚事聞蔭一子入監

按洪武中知漳州府徐恭多惠政正德註

云恭事蹟歲久多湮姓名亦訛有裔孫鏞為漳浦縣丞乃出其家傳而得其實今查府縣志及他書浦丞無別有所謂徐鏞者而紀與徐同出自江西永豐人或徐之子孫潛易其姓未可知也

陳炳杭州人洪武初舉經學九年任長泰縣丞勤以佐治

惠以蕪民安靜不擾通易書一經親與諸生講論多所

啟益時抽軍丁民多懼匿炳處之至公民無不服

黃信江寧人永樂間以人才任長泰縣丞清勤公直育民

以恩御吏以法勸善懲惡施舍不吝涖政未半載而卒

邑人傷之

王簿

陳思謨 程石琮

陳思謨廣東河源人嘗從湛甘泉學萬歷十二年以恩貢

授龍溪主簿醇謹清正布衣蔬食自給有贈遺者一介

不受職捕賊曹而好禮士嘗執經相講勸邑人高之署

長泰事以慈惠稱兩臺交薦其治行陞永福知縣所居

簿解產靈芝一本九莖人以爲德政所感勒石紀之

自題其署云糾邑勾稽此志正爲民社計獎車贏馬官不異秀才時觀此可想其風槩後官至辰州別駕

程石珠南城人永樂十七年任漳浦主簿盡心務職崇重

斯文境內橋梁道路皆脩平之以廉能稱

典史

饒 晟

饒晟金谿人嘉靖十一年任漳浦典史謙厚簡默長於贊

畫有儒者文雅之風在任六年清苦自持餽遺一無所

受陞吉安州吏目民立碑思之

舊志論曰紀丞鏞以死勤事法在必書紀本徐姓太

守恭之裔孫見於周翠渠傳贊中當不謬夫吏途卑

風冗則趨向易乘能克已茹淡以念民瘼者幾人哉故

自劉伯翼而下皆可書陳思謨兩署邑而清白不改

甘又未可於丞尉中求之也

教授

陳思賢

陳思賢茂名人洪武末任漳州府學教授每部使者至隨

例參謁畢必進問聖躬安否教諸生必以忠孝禮義燕

王篡位詔至漳思賢召其徒吳性原陳應宗林珏鄒君

默曾廷瑞呂賢於明倫堂相與慟哭曰明倫之義正在

漳州府志

卷之三十三 官續二

四七

三百十九个

今日印堂為舊君位吳臨如禮械繫入京六生成以身殉墓芝山嶺後祀名宦嘉靖四年督學邵銳檄特祠祀之立碑紀其事編作原吾學誤

前志論曰金川之役殺戮株連之慘依古以來未有也建文不早從卓敬徒封之謀方黃諸公不自度其力之不足以制燕君臣束手卒以亡國天右文皇久於其位世其子孫得以靖難二字塗二百餘年之耳目即明理達義者無敢張胆以正其非此又乾坤一大變局矣使思賢而易方黃之地則必厚十族之誅使吳陳諸君而沾升斗之糈斷不從三楊之後君臣大義千載凜然豈

問爵之崇卑身之貴賤哉夷齊有兄弟思賢有生徒天枉地維長以不毀雖死生也彼託靖難之名以圖富若貴者今安往乎死矣

教諭

- 曾 瓊 黃學裘 程孟子 徐 正 章 參
 - 李 孜 東 徵 張大行 黃持衡 黎憲臣
 - 曾 簡 林敦忠
- 曾瓊廣東長樂人貢生成化二十年為龍溪學教諭施教適寬嚴之宜生徒愛敬之

黃學裘字繼甫廣東從化舉人正德十六年為龍溪學教

諭正以率人勤以誨士待諸生有恩意貧者濟之以德
行文藝示賞罰置兩齋椅棹及題科目名氏費俱出俸
餘學政一新未久卒於官

程孟子浙江歸化舉人正統十二年任漳浦教諭經明行
修嚴課生徒皆以身先人士有貧者賙之終如其始一
時人士多所成就祀名宦祠家於浦子貴領福建鄉薦
徐正香山舉人宏治元年任漳浦教諭沉潛端重訓迪有
方卒於官因家焉祀名宦

章叅浙江平陽人洪武丙子舉人丁丑任長泰教諭立志
以古人自期爲教以忠信爲先講習有度課試有方攝

縣事盡毀境內淫祠闢堂齋營龍津泰亨書院二所多
出已貲立學田以贍貧生士子至今思之

李孜保昌舉人景泰三年任南靖教諭性資剛直文學優
長生徒多所成就屢典文衡聲名藉甚明倫堂圯孜不
勞郡邑謀諸耆民捐貲建之

陳徵字崇恩黃巖舉人宏治十八年任南靖教諭輕財好
義愛人喜施飭學政課諸生去之日諸生戀戀不能舍
焉

張大行順德舉人嘉靖二十六年任南靖教諭忠厚謹慎
捐俸建卧碑鑄祭器不受貧生禮節卒于官無子士人

哀思之

黃持衡字平叔番禺舉人嘉靖三十年任平和教諭時文
教未興衡闡明經學耳提面命月常數試與同筆硯出
所作以為士式尤以禮義自檢諸士咸相勸為善官至
府同知

黎憲臣號淳宇南昌舉人萬歷十九年授平和教諭學問
淹博尤精青囊家言以學官對山低為築文峰石塔及
雲龍精舍文昌閣又於明倫堂後建尊經閣敬一箴亭
月課諸生慇懃勸督甲午應聘分考南閩所得皆名士
其去也和士子立祠祀之

曾簡吉水歲貢嘉靖十年任詔安教諭方嚴清介所行事
必期於古人家世通顯未嘗有貴倨容勤以訓士厚以
恤貧一日力懇致仕諸生強留之不可抵家未半載而
卒

林敦忠晉江人萬歷間任海澄教諭醇厚秉禮終日衣冠
無情容慢語諸生窶者贖餽弗問分廩聽食餼者自領
一介不取勤於課業率多成就移任興化士立石思之
祀名宦子學會進士學閔及孫維暹俱舉人

訓導

李若英 吳 綸 錢象乾 賈 崧 歐陽松

黃鳴治 陳堯春

李若英吉水人永樂十七年任漳浦訓導有文名善啓迪
生徒多所成就士人思之祀名宦

吳綸電白舉人宏治八年任漳浦訓導學有本源每論古
人忠孝擊節不已率身先士士推學行節概焉

錢象乾東筦歲貢正德十六年任長泰訓導持心謙厚泣
事勤敏與諸生講論討探本原咸獲其益會推官黃直
署邑興建學宮與教諭李邦祥協力贊襄程督工作晝
夜弗倦邦祥既陞任象乾獨任其勞泰之學校以新文
風以振乾與有力焉

賈崧金華人嘉靖二十六年任詔安訓導賦性峭峻不王
人以私分教七年訓迪惟謹署門聯云春暉遊子心千
里炎海孤臣足七年所著詩風流隱約有句云一生蔑
率不知老滿地花開未是貧可以知其槩矣

歐陽松安福人萬歷三十二年任詔安訓導有學行與諸
生遊必取古人有行誼者以相規勉貧者卻其脩脯弗
受且周之有學使檄取劣生松不以應自言某不能以
職教人具有劣則某罪非諸生學使以爲長者褒義之
詔學宮明倫堂東有石碑文則諸生追思松而誌之者
也

黃鳴治莆田人天啟三年任詔安訓導磊落不羈嘗出從諸生遊或至其家借書讀竟日乃還詔諸生貧不能具脯贄者十之三或具以來輒卻之唯名義所在必侃然正色雖權貴人不避也卒于官弟子哀思之立碑紀于明倫堂西與歐陽松對峙焉

陳堯春福寧州人萬曆二十六年任海澄訓導時龍國祿爲令貞介絕俗堯春清勤自持國祿甚重之諸生脩謁戒令貧者覲無用筐昔蒞之外齋無長物夷然也擢鎮海衛教授以艱去生徒爲立碑

不常者也師以淑人而職鮮克舉之則能爲人師者貴矣士當窮厄時藿鹽弗充一睚之寬比于西江之潤恩加于心有旣耶計較錙銖與畢世之榮名所得孰多司教鐸者可以勸矣

漳州府志卷之二十六

宦績三 乾隆志卷三十四

國朝

監司

吳執中

陳啟泰

張翼鵬

蔣龍光

阿琳

劉燦

朱鴻緒

徐士林

陳樹著

孫孝瑜

吳執中字匪公正紅旗貢生順治十二年 世子王南下

以僉事分守漳南時漳初定 大兵雲集海寇逼郡郊

民逃竄山谷道梗飛輓不至執中勞來撫字握筭持籌

民還安定集師無饑焉瀕海許茂等處首鼠兩端提督

馬得功將盡屠之執中曰小民迫于寇患各自保其身家耳撫之皆吾民也且海澄廈門猶將諭其來降況近郊赤子乎得功大感悟諸陷賊者聞之皆接踵至未幾

海澄納款

朝廷大嘉柔能之功執中雖在干戈擾攘然敬賢下士有儒者風勸不言功施不言德視民事如已事漳人稱之爲佛尋陞山西懷寧副使祀名宦後十餘年子興祚巡撫福建遷總督兩廣有父風而平海之功爲尤偉云

陳啟泰字大來鑲紅旗貢生康熙三年以叅議任巡海道八年兼副使爲政以搏擊豪暴爲己任嚴保甲法立團

長責以督率民壯捕盜犯者輒杖殺之一時奸宄斂跡甲寅耿精忠反僞檄南下啟泰密謀海澄公黃梧拒守會梧病亟泰知事不可支閱五日語其妻劉氏及女皆自縊妾婢二十餘口先後相繼屍叅錯如亂麻泰親爲排次旣乃從容引僚屬入視諸相顧失色汗下莫敢出聲啟泰慷慨陳義無異平時乃朝服望北再拜繫帛以死事聞

贈資政大夫工部右侍郎諡忠毅

前志論曰執中啟泰當洪飈扇海和以雨露鼓以雷霆寬猛異效夫亦性之所近也漳剝膚莫切于盜法

不嚴則稂莠滋而嘉穀不殖陳其知當務之爲急者
與或者議團長權太重脩怨睚眦左右因緣爲奸利
取貲出入人于生死以蔽其上卽片紙入莫得自辯
法立弊生當軸所宜亟省也要其臨危致命妻妾同
燼古街鬚嚼齒未有並厥慷慨儷此從容者矣吳片
言脫數萬生靈於鋒刃納叛招降共濟國事後二十
餘載其子卒成平海之功仁者必有後不其然乎

張翼鵬鑲白旗筆帖式康熙十七年任巡海僉事當逆藩
變後閩疆新復兵民雜處釁隙日生翼鵬請命督撫定
計檄郡縣按兵額定糧糈復請給兵房勿與民同居民

得安堵汀屬永定全邑陷于賊男婦離散翼鵬力爲安
集復難民五千餘家龍巖民苦轉輸謀且爲變翼鵬單
騎開誠曉諭反側立消公餘與諸生考課經義風氣日
上遷廣東分巡副使

蔣龍光宜興人順治乙未進士康熙十九年任巡海僉事
值海寇沸騰龍光設法捍禦聯絡井里令各自守衛官
兵駐集米價驟昂乃請之總制姚啓聖檄江西運米協
濟兵民交賴之啓聖戡定金門廈門十七島龍光躬自
撫綏難民使復故業復請弛海禁使窮民採捕爲生時
時駕舢樓船于定海間操練水師爲規取臺灣之計尋

遷浙江叅議兵民請留不可勒石于福南臺以志遺愛
論曰大難漸平瘡痍未復雖則劬勞其究安宅小雅
所以咏也翼鵬龍光撫綏安定念切斯民而一則揆
文一則奮武思慮蓋及深遠矣

阿琳字玉山鑲藍旗廕生康熙四十年以副使任巡海汀
漳道嚴重有威漳俗苦姦豪或恃強族或充練總約正
或爲鄉長種種借名弁兼琳曰此亦所謂豺狼當道也
吾治之乃擇其尤黠者置之法次者榜其過惡於門使
之愧姦豪斂手善良安輯尋陞貴州按察使累官太僕
寺卿卒之日民思其德祀名宦

劉燦孟縣人康熙戊戌成進士雍正五年以部郎出任巡
海汀漳道剛方耿介嚴于糾吏而寬于治民一時吏肅
民懷值歉歲設粥食饑民復開倉平糶知府耿國祚素
有惠聲顧發粟欲依市價燦令減之不可力爭之又
不可燦忿甚以頭觸柱曰民急矣奈何爲囊橐計病吾亦
子至互相叅劾有言將解任去民皆歎惋後大吏以事

上聞

上信其無枉法貪賍狀與大吏共鞫國祚國祚哀陳年四
十無子嗣請寬貸國祚泣燦亦泣曰胡不早言而使
我至此因爲代請而國祚遂得復用爲潮州知府

朱鴻緒陳州人以歲貢歷官巡海汀漳道爲治寬惠公平
專以牖民之天良爲主有罪不妄加刑獨嚴于游手無
藉之徒雖小故以爲懲創有兄弟爭產鴻緒坐之廳事
兩旁令兄弟相呼應兩人者始而悔繼而愧終乃感泣
大悟淚下不能止吏以告鴻緒曰可矣諄諭而遣之民
多所感化類如此又立木櫃聽民得投狀告密時糾察
之或疑其長攻訐然冤抑之壅于上聞者鮮矣

徐士林文登人以康熙癸巳進士歷官巡海汀漳道有學
問負經濟畧而勤于政事被服造次必於儒者循循焉
大異于俗吏之爲也道轄汀漳二府領縣十有七多滯

獄士林酌其重者親提訊當堂獄詞榜于轅悉中情寃
吏胥胆落不敢舞法爲奸尤振興文教每月召士于署
中課之評定甲乙多士踴躍雖登甲科者亦欣然預會
擬作與之相質敦悃若師弟子士論一時翕然所著雙
檜軒稿卽漳中校課時所作者也歲大比有司視賓與
爲具文士林曰是

國家大典也先期製詩歌三章令樂工肄之至期歌以侑
觴獻酬彬彬人士圍觀稱盛禮後累陞江蘇巡撫臨終
遺疏忠愛惓惓有古大臣入告之風焉

論曰肅紀整綱脩明憲度觀察使職也

國家海寇削平漳南遂成樂土而寬而有制從容以和琳
不爲水而爲火威立而恩行輯寧之上策也劉燦恤民
當宁信之鴻緒寬政黎庶懷之士林以儒術飾吏治粹然一
出于正則又愛乎尚矣

陳樹著字祥田湘潭人以父鵬年蔭累遷至巡海汀漳龍
道鵬年官績在人口爲

國家名臣冠樹著治行一稟家訓抵任數年潔已率物諷
諭吏民若老儒生之煦煦然者弊絕風清而未嘗一動
聲色被服儒業不事華飾嘗公譙更衣衣布袴或贊爲
儉德樹著笑曰下體而用絲絢娼優所爲也後歷任天

津鹽道卒于官

孫孝瑜字壺園合河孫文定嘉淦子以父蔭歷官刑部郎
中有聲出爲福建糧驛道乾隆三十三年調巡海汀漳
龍道孝瑜清懷爽朗不設城府爲治烟樸無華務推誠
以表率所屬凡僚佐不以私見而接引儒生諄諄作家
人語嘗言爲大僚而侵守令之職喜事沽名者十之一
二容奸蠹擾民乃七八也漳浦盧茂爲匪孝瑜聞報卽
星馳抵縣治同漳州鎮總兵官葉相德率兵役搜緝無
鬼脫者復發倉粟平糶賑其尤窮者民賴以安方孝瑜
之緝賊也株繫累累見有手持田器身汗塗泥者槩省

釋勿訊訊而可疑有連名保結者亦如之故定讞之後未嘗妄罪一人人服其明慎尋擢福建按察使註誤落職復起用為直隸按察使甫一歲卒于官

論日記有之良弓之子必學為箕良冶之子必學為裘樹著孝瑜並以名胄承廕起家

簡巡海國清慎廉懋稟家學而著循聲顧不休哉

知府

錢光泰 吳延貴 周岱 張鎮 李師敏

錢光泰順天人順治十二年隨世子王南下知漳州府時郡城拆毀民皆野處光泰勤撫綏集流亡措餉給兵

日無寧暑漳平東北道依山常有虎患又病涉光泰經其地捐金建橋募民伐木焚林民稱曰馴暴橋

吳延貴字子良奉天人廕生康熙十六年隨康親王入閩題授漳州海防同知十八年以材能遷本府知府時士馬雲屯日需糧草難以數計延貴首請制府設立站運以給兵食每恢復一處輒安集難民出已橐捐給海道陳啟泰殉難子汝器陷賊中延貴不惜重貲購歸人稱其義詞訟不受暮金科歲兩試不干學使者以私以軍功加一品頂帶陞本省運使紳士為立碑于東郊部院祠之左

周岱漢軍鑲紅旗監生偉軀幹容貌莊肅嘗任同安令以嚴見憚乾隆八年知漳州府爲治精明果決疾惡如仇專以除暴鋤奸爲主漳故有無藉之徒欺凌弱小動輒操械持刃以格鬪爲能民苦之岱曰此亂民也風不可長宜用重法令立拘懲治何大校列諸通衢署曰一月四十大板按月的決不少貸諸惡類聞風咋舌相率屏跡遐方時有細民越販鐵刃被獲監司意爲小刀會邑令將加羅織岱心憫之責令曰越販自有本律奈何殺人以媚人也見監司復以一身去就爲力爭多所省釋後以公事赴省卒于寓邸貧不能舉喪漳人爭賻焉

張鎮號西圃山東海豐人初爲杭州牧以事註誤復起爲漳州守鎮嚴重自持觀察一路以端靜處之有鬪白當興建者鎮恐擾民概不報可後檢志乘知郡學宮有龍鬚水入泮池關文運獨與邑紳王材等議脩濬工繁而費省士民頌之先是郡有巧宦務以小惠結士民心以香盆竹馬迎者賞賚殷渥至是自他任調遷道漳里巷奔走接踵晝夜不息鎮旣不出迎又不答拜且使人諭意令速去無愚我民也由是僚屬多憚其風采屢遷監司擢陳開臬會平和悍卒以白刃擬邑令帥弗收而爲之請鎮厲聲作色帥惶謝乃悉收而置之法驕兵大戢

生平有人倫鑑在會城監試唱名以筆指所激賞者誇示藩伯同坐者爲之破顏後揭曉得雋鼓掌懽譁撫軍顧曰公愛才如性命也尋陞豫省藩司卒于官

李師敏字仲堅初名本杞山東惠民人由進士歷刑曹出守興化以廉能著聲調漳州府漳號難治蠹役猛於豺虎師敏以法糾繩皆屏服惕息莫敢仰首視漳民有睚眦事輒興獄胥役爲奸狀師敏鎮之以靜嘗自言曰吾惟飲清漳水而已一切文移案牘皆自屬稿不假手幕友及胥吏蔽要囚必至旬日卽小故亦曲得其情而後斷結謝獄之成雖奸胥猾吏毋得變易爲人公正嚴

明自上司僚屬義有不可輒形于色以故咸加畏焉尤敬禮文士然沉靜不露圭角漳吏役故驕蹇好凌轢人嫚罵寒弱士師敏故善怒廉得之痛責以謝聲望翕然屢接見故家世講詢民利病及政事得失言有可採者立見施行調任臺灣卒百姓無老幼皆謳思之

論曰漳自紫陽作守著有成績迄于明代遂多循吏大賢之澤長矣我

朝以海疆繁劇慎選名賢非明習吏治者不得調任也光泰等五人或輯寧于多事之秋或拊循於承平之日後先相望治行卓然擇其尤者書之用誌南國之謳

思云爾

同知

王顯謨 劉良璧

王顯謨字裕如慈谿人隸籍天津由拔貢授河南歸德理
刑讞斷精明陞福建漳州府同知順治九年鄭寇竊發
督臣以顯謨威望素著率軍禦之與賊鬪力盡赴水死
事

聞贈福建按察司副使

賜祭葬子元翰以蔭授武清縣丞

劉良璧衡陽人雍正甲辰進士九年知龍溪縣有才幹為

政勤敏存心愛民諸案牘悉按圖里遠近分貯署中不
假手胥吏權其輕重以次堂訊旬日先示期胥下鄉呼
集兩造輒計道里酌給資糧親署紙尾使不得濫索民
便之十三年陞漳州同知移駐南勝村民素強悍睚眦
事動操械格鬪官長不能治也良璧下車擇巨族有齒
德者為族正隆禮優待俾互相勸諭漸以化其頑梗之
習復建立義學延名師設教政聲大振權漳州府事尤
以勤敏率先崇尚大體不瑣屑後歷陞本省糧驛道致
仕歸卒于家

通判

漳州府志

卷之三十六

官績三

三百七十二

胡宮 王三薦
胡宮字殿仙山陰人初爲椽康熙十七年通判漳州糧捕時海氛尚熾民苦軍需供億宮才識開敏調劑緩急而爲之備異時屯糧編小甲收頭二十年一值輒破家至鬻子女宮詳請自徵永爲例新朱文公祠延師廣集士子課誦其中優其禮遇漳自甲寅之變咕嗶者見卒伍胥隸輒氣噙垂首宮首加崇獎人乃知爲士之貴再捐資脩府學明倫堂南門江東兩橋嚴治樗蒲遊冶汚市門者以維風俗大猾爲民害者杖殺之以軍功前後加二十二級丁內艱去

王三薦湖廣人康熙二年以進士授漳州司理性寬厚不事擊斷臬司責其苛刻三薦曰民困於下官疲於上推官不忍爲察察之行也尋卒于官士民惜之

論曰明敏者才也溫厚者德也德被諸躬才見諸事要於民有濟耳三薦不忍苛察良璧與宮並才力機警懲悍卒以作士氣化強俗而靖刁風政亦彬彬焉循良之選才德不必相兼尤貴乎相濟哉顯謨精明繼以死事則又不僅以才著矣

龍溪縣知縣

魏明德 申景雲 王裕瓚 李芬

漳州府志

卷之三

宦績三

七

三百六十九

魏明德鑲藍旗擺牙拉康熙十六年知龍溪縣旋調軍前十八年再任性寬簡遇事敢爲時軍需夫役頃刻難稽明德按籍均應豪右一無所瞻狗軍士占民房者請諸大帥立爲清還士民咸倚賴之兩任縣事皆不及暮人惜其施爲未竟云

申景雲吳縣人雍正十三年以薦舉知龍溪縣愷悌宜民衆稱慈父時有饋以盆蘭者恠其重撥泥土視之乃金也却不受人服其清操卒于官囊不留一錢邑人士賻之櫬乃得歸

王裕瓚字璞齋餘姚陽明裔也潔清自好深沉有器識乾隆二年知龍溪縣事嚴絕苞苴尤矜慎庶獄不以苛察爲能獨於猾吏不少恕胥役徒供事而已不敢浪有所關白也當斷案遲未詳有宦遊過者受托請速之裕瓚知其乏資斧自割俸以贈而使還所受金比其人去卽以原讞詳初裕瓚由南安調署長泰理詞獄剖曲直一絲不亂長泰民舊苦懸糧自徐治民申准清丈糧就理社徵納除一切舊戶舊名吏緣爲奸將甲作乙苦更甚于懸累裕瓚按籍檢對分定則例飭各歸戶詳上官完結而藏其冊于官邑人戴德于其去也立碑紀之設位入四賢祠

漳州府志 卷之三十六
李芬正藍旗漢軍舉人乾隆三年知龍溪縣旋調去五年
再任值歲歉勸諭平糶以甦饑民開濬城濠使水不壅
遏尤長于摘發猾吏無敢欺調同安士民大書樂只君
子以送其行

漳浦縣知縣

許國楠 李 霄 陳汝咸 長 庚 李 元

許國楠咸陽人順治三年隨師入漳州奉 貝勒王命知
漳浦時戎馬在郊徵輸百出國楠軍需克辦而民不病
脩身潔已一介不取禮賢下士擾攘之際時聞絃誦聲
未幾楊學臯以萬眾陰謀陷城變出叵測國楠義不辱

赴并死

李霄廣宗人康熙壬戌進士三十三年知漳浦性淡泊廉
靜善儒雅下車卽與士子論文嚴查詭寄欺隱禁假命
誣賴甫半載病卒邑人思之與明邑令周仲同勒名建
碑謂如叔子之後有元凱云

陳汝咸字莘學號心齋鄞縣人康熙辛未進士三十五年
由翰林庶吉士出知漳浦以浦邑賦役不均定二百家
爲一保保二十甲戶實其丁口編審日通計闔縣城丁
若干勻編足額立親供單每戶田糧各填註實產分限
自封投櫃根租一田三主詳定大租量給價值田歸業

主於是奸胥無所飛灑強宗巨猾無所隱佔詭寄包收
衰戶孱民無所賠累自明季來百餘年積弊一清喜造
士設四義學朔望之三日會諸生講五經性理綱目諸
書於明倫堂從容辨難竟日不倦月課制藝詩歌古文
詞親爲評隲一時古學振興文風丕變新學宮大成殿
戟門建銅山南溟書院雲霄朱文公祠修城南得僊橋
百廢俱舉丁亥六月大水及雉時方在病聞報披裘倚
杖亟登南城募船結筏分拯溺者全活無數性警敏耳
聽手披目數行俱下案牘紛紜片時立盡非命盜未嘗
遣一役下鄉勾攝公事俱用紙皂民亦無後期者廉介

淡泊苞苴不行在浦十三年始終一節橐無餘財家無
蓄產四十七年改調南靖民環擁涕泣不得行夜半單
騎扮巡邏者潛開北門馳去比追無及因建祠生肖之
抵靖數月威惠並著積盜曾惜劉漸等皆率衆自投首
民大悅服旋行取刑部主事歷任大理少卿立朝多所
建白五十三年以奉

勅勘賑陝右卒訃至浦人哭之如其私親置義田以供祀
既又與靖人合請祀兩邑名宦

長庚浦州鑲紅旗舉人乾隆元年知漳浦縣因勢利導務
在與民休息故民皆安之每歲首輒治酒廳事延紳士

詢風俗利病相其緩急而去其太甚又修廢舉墜城垣
橋梁道路次第興築焉五年告歸壽八十餘卒於家
李元字惕齋江南當塗人以乾隆丁巳進士令漳浦先是
漳浦民率要結爲朋統袴子弟至其事武斷鄉曲或勾
引吏役爲奸利元下車訪聞立擒治如法風少息理詞
訟明慎而不留獄有泉人賣田蛙者被浦民陳琴害死
于小溪嶺元已弋獲顧乏的証慮其或枉詢屍妻知有
錢囊可証搜琴身囊果在焉召屍妻認取妻檢其囊泣
曰此夫出門時老婦所手綻者也斜綴紅布條數寸許
反而出之弗差也獄遂定又有兄弟爭產者元庭訊語

之曰兄弟而及此令失教之咎也宜罪令卽出其直償
之然後諭以大義兩人者咸愧謝每歲將終封冢檢諸
案牘不待質逕牌示斷結以省稽延兩造莫有遁情成
鉄案焉遇命案躬自驗視膚想者亦如之立義學朔望
親臨校課論定甲乙疊疊然如師弟在任四年士安其
教民樂其業丁艱歸鬻衣爲行資後補任浙江卒于官
漳浦人聞之猶歛歔相語曰吁李使君死矣

海澄縣知縣

甘體垣 洪明鍾 陳世儀 汪家球 王作霖

甘體垣字仰之遼東人順治八年知海澄縣性明敏有所

設施涖治數月未及竟也九年守將赫文興外叛汙以
僞命不受強之瞑目坐不食既知其終不可屈沉之水
邑人悲之招其魂祠于城隍廟之左室歲時祀之

洪明鍾字萬貞歙縣人順治十五年知海澄待士以
禮有風采時澄帥張甚令初謁必長跪明鍾獨與講釣
禮輿而張蓋直抵堂皇帥銜之令卒索餉而譁明鍾曰
餉非緩也吾將按籍而給焉虛卒倒馬則奈何帥氣奪
聽訟不遺隸但與之期常自至即有所遺猝遇寇盜不
敢犯曰洪公惠人也竟以軍興旁午積勞成疾邑之人
禱者踵相錯既卒如喪父母與前令體垣同祀焉

陳世儀字抑之海寧監生康熙三十六年知海澄縣魁偉
精明強幹為治銳意興除初下車進父老問利病皆言
帥府營弁貪踞蝗埕網桁利及婪索浮宮渡渡稅橫暴
狀世儀曰若休矣願熟計之居數日有女輿出縣署從
一奚僮以數健兒懷銀錙尾其後既渡僮少給錢卒大
怒揮篙將碎輿輿中人躍出頤而髯則新令君也咸驚
卻不敢動即以銀錙縛數人歸廷笞之自詣帥府白其
事帥為奪氣于是撤守渡者凡霸踞諸稅皆出示罷之
一時名震漳南在任十三年法脩令明民鮮敢犯者後

祀名宦

汪家瑒浙江錢塘人乾隆丁巳進士十一年知海澄縣志
尚高潔以文學飾吏治外若退然不勝衣至事關民生
利病輒凜然有不可奪之槩澄邑故濱海急水利普賢
水門久壅塞下車命砌石固築疏而導之以資灌溉民
甚便焉風雨作西南二溪淹沒廬舍家瑒單騎相視捐
俸賑卹民沾實惠邑有大案奸民欲藉以擾溫厚之家
奔以告則侃然曰無畏萬一有事吾一身當之遂賴以
全尤好培植士類興義學脩學宮作養甚宏在任十一
年調繁順昌民追慕焉

王作霖字淵南河南安陽人康熙癸丑進士初任海澄方
逾月以母老告歸後歷試上游諸劇邑直聲清操在在
有聞乾隆二十五年再調任澄邑明敏果斷公正不阿
以緩息訟為養民之本虛公聽訟曲直立判胥吏不得
因緣為奸至體恤民瘼推心置腹藹藹然若家人父子
也尤敬老惜士堂屋將傾作霖每坐以聽事民曰倘壓
吾邦君可若何亟新之又新建書院于八卦樓以其舊
東偏為學舍而以其西為安陽書院奉其位祀焉在官
六載致政歸民至今念之不諱云

南靖縣知縣

白拱薇

漳州府志

卷之三十一 宦績三

七

三百九十八

白拱薇沔陽人順治壬辰進士康熙六年知南靖風裁峻
整而加意貧民始至以靖邑多水患議築西河壩護城
甫鳩工洪水驟漲諸邨落多漂沒溺死拱薇悉心籌畫
收殮賑濟既乃新學宮之撓折漫漶者葺縣署之衝決
傾欹者皆出已橐卒成西河壩之功先是大蒐三島征
役煩重靖人以賤直田勢豪武弁家田去而糧仍舊戶
皆破落苦敲朴不完拱薇曰焉得有田不輸賦者于是
除舊戶就田訊田主名擇豪之虎而冠者首折辱之或
竟日坐大帥軍府卽賦不輸縣令不出諸皆震懼莫敢
後乃益爬剔奸蠹積弊立法清丈民慶更生康熙五十

二年祀名宦

長泰縣知縣

傅永吉 趙象乾 易永元 徐治民 張宏緒

傅永吉蓋州人順治七年知長泰縣時初鼎革民弱兵強
永吉彈壓有方文武輯睦九年海寇圍城下令民貧者
守塚富者差其上中下給米養之晝夜履塚巡督砲如
飛蝗有勸之下者永吉曰吾恨不得捐軀報國避將安
之一日城將陷永吉急與守將王進率驍勇力戰彎弓
親殪其酋長三人賊乃却城賴以全方射賊時中砲洞
腹及扶劍歸已不可救矣氣垂絕猶連呼殺賊不止泰

人哭之如喪考妣亭聞贈按察司僉事祭一壇廕一子
八監建坊京關葬城北銅鐘山

趙象乾高平人舉人康熙八年知長泰下車首除飛累詭
寄米數百石嚴訊奸胥包匿宿弊立清一日郡猝有微
發以泰道近憲檄取民夫二千刻遲軍去從事象乾捧
檄哭曰彈丸泰邑安得立辦二千夫令當自往郡差語
侵之象乾下馬扭差赴東津同死百姓號泣往救衣盡
濕當事為罷泰役象乾催科不取羨聽訟不取贖修紫
陽祠設義字具廩餼朔望謁祠親為敷說月課第其高
下絃誦以興又於西郊購設義塚餘方次第興除以疽

發背卒士民建祠於紫陽祠之右

易永元湖廣應城人以進士知長泰清介廉明非義不取
舊徵糧有補平諸名色永元籲請上憲悉為革除命案
驗畢送花紅晒規吏以告愀然曰令民之父母也何忍
利民之死亟除之東河近城值伏秋暴雨河輒決城垣
浸民居永元築石壩障之水不能災以母艱去邑人設
位於紫陽祠右

徐治民山陰貢生由啟習出知詔安縣除強梗嚴盜賊士
農工商各安其業卓有政聲乾隆元年署長泰令政尚
寬簡能於催科中存撫字邑賦本重又山田多崩陷業

廢糧存累年逋欠筮楚不堪治民詳准清丈豁免長泰民至今德之詔安則立有遺愛祠焉

張宏緒字奕堂江南寶山人以副貢來閩理鹽政歷署仙遊浦城崇安等邑所至卓卓有聲乾隆八年涖長泰絕苞苴杜夤緣勤明清慎案無宿牘每有訊鞫片言立決即就案上直書讞語榜諸邑門眾咸服其明決修大堂纂邑乘公餘之暇自作凡例及論賦役屯糧詳明剴切竟以勞成疾卒于官邑人祀諸五賢祠

平和縣知縣

王相 沙漢纓 錢夢珠 胡邦翰

王相字天木山東諸城人康熙五十六年以副貢知平和縣清慎愛民擴清舊弊除里班供應之費倡義學勸農桑纂脩邑乘蒞治一年陞任去

沙漢纓江南如臯貢生雍正二年知平和縣慈惠愛民丙午丁未歲洊饑人多餓死漢纓捐俸賑粥全活甚眾錢夢珠江蘓常熟貢生乾隆元年知平和縣才猷敏達詞訟立剖案無留牘民有待質者無需時日尤嚴緝盜賊以安閭里五年丁外艱去

胡邦翰浙江餘姚進士乾隆二十二年知平和縣治事勤敏盜賊斂迹境內肅然勸脩文廟備極經營調任彰化

陞泉州金門通判卒於官

詔安縣知縣

林蔚 歐陽明憲 黃道宏 秦炯 毛殿颺

胡格 秦其燭

林蔚合肥人順治四年以貢生知詔安縣次年賊陷縣城被殺

歐陽明憲字章卿宿州人貢生順治十年知詔安縣時軍興旁午郡議增築八旗營房解運防餉明憲每先事力爭輒報罷折減甲辰歲荒鄰境饒平閉糴明憲親至饒謁鎮力請開禁繼之以泣得米數千石軍民賴焉先是環沙寇猖獗明憲移檄饒鎮合兵撲之劇寇梁鈴陳殷掠賣良家南洋明憲反覆告諭南洋人感其誠斬鈴殷首及所掠來歸蔡四踞烏山流劫遠近明憲定計分道

搜捕脫囚繫男婦百餘人搗其穴邑故多竊盜潛通諸
寇者明憲藉其姓名每得一輒薄懲俾朔望以次聽點
盜易之悉來赴名雖在官而通寇自若也忽一日聽點
畢盡收之諸在藉者皆伏法以故寇失內應勦撫俱效
憲初至單騎入署不任幕賓事無大小皆親裁決守將
劉進忠橫甚甲寅據潮州以叛者也時方用兵度不可
與抗則厚結其父以制之進忠亦稍戢其濟變之才類
如此築完縣城新文廟月課諸生親爲評隲所獲皆名
雋厚其賞格故雖兵火中有絃誦聲詔人立碑紀其功
德至今稱賢令者必曰猶見歐陽也

黃道宏淮安海州人鑲紅旗蔭生康熙七年知詔安邑瀆
海依山俗多頑梗道宏至任卽脩建申明旌善二亭鼓
厲其民并設義學擇師訓諭又以粵潮接壤奸宄易滋
多方設法以撫輯之民爲賣刀買犢各安本業歲旱禱
雨立應斷疑難之獄片詞拆伏時稱神明後遷臨江府
同知

秦炯慈谿人康熙二十八年以進士知詔安縣禮士愛民
銳意興革國初遷界廢業民苦懸糧炯請清丈按畝實
徵以豁累民困始蕪詔安鹽課每年額徵銀二百一十
四兩有零尋因遷徙初復縣令趙國祥薛大章等相繼

報墾加增至六百二十七兩有奇炯請照舊額徵課新
增者盡行報罷瀕海泥泊貧民資以為生自前代豪強
踞為私業往採者輒被毆炯勒石永禁除積弊自是民
無向隅之歎至建倉廩均里甲脩志書興義學種種善
政詔民德之監碑以志不忘

毛殿颺號石亭博羅人康熙甲戌進士四十年知詔安縣
先是治詔者多姑息豪強恣橫盜賊公行無忌殿颺首
嚴其法四境肅然設紙皂訟者令原告自拘投審至則
立判省釋胥吏不得為奸民便之雖深山窮谷無後期
者善催科令花戶自輸填註名下各不相累先期完者

賞免杖單小故准抵銷宿逋一時俱清有部使者至吏
白當盛供帳唯謹殿颺曰吾聞部使者甚賢徒騷動民
無為也除館舍戒僕夫以待足矣詔民視他縣一無所
擾賦性狷介人不敢干以私其革陋規做圖賴禁停棺
脩橋梁道路皆善政之可紀者也調臺之諸羅以勞卒
詔人至今思之

胡格江夏人雍正九年由舉人知詔安縣剔蠹安良不畏
強禦有惡棍結交衙蠹聚徒數十人分踞城市恃強橫
買稍不遂輒遭兇毆莫敢控者吏無如何也格下車廉
其人次第擒獲下于獄斃之民賴以安念捕役多為盜

耳目多設民反滋擾特行裁革僅留四人盜發卽飭同
練保往捕置之重法不少恕盜賊屏迹尤嚴禁賭博作
養士類闔邑頌之任三年調同安歷任延平潁川知府
秦其燭臨桂舉人乾隆十八年知詔安縣清介勤慎人莫
干以私詔安蠹差橫行鄉曲勢張甚編戶苦之其謂志
爲鋤去一時奸猾肅清歲歉勸捐平糶設法便民胥役
不得爲奸聽獄訟戴星視事案無留牘又創建義學脩
文昌閣築大興橋卓有成績越五年調令鳳山士民立
祠祀之

論曰國楠體垣永吉林蔚可謂見危授命者矣甲申

之變

世祖八關定鼎首贈前代殉難之臣作天下忠義之氣故受
朝廷百里之寄率勵忠節捍強賊至死而不變豈偶
然哉明德而下二十有七人並有能有爲有守或疏
通變化宏濟多艱或清慎勤敏留心治理遂使邊海
蒼黎長爲熙熙皞皞之民古稱兩漢多循吏何以加
茲

龍溪縣縣丞

李 瓚 徐 瑄

李瓚臺州監生雍正十三年龍溪縣丞分駐華封瓚初移

任一年而卒卒時囊無所有篋中惟質衣物券紙數束耳停櫬弗獲旋里知府金鎔勸諸紳士賻金焉

徐瑄靈壁人乾隆二十一年以拔貢任龍溪華封縣丞有意振興文教方授簡延紳士議興義學適值旱不果隨居民徒步禱雨福里潭烈日中往返數次竟以是得疾卒

論曰官無小顧樹立何如耳李瓚清操徐瑄禱雨俱係民思余不負丞丞豈負余哉

漳州府教授

薛士中

薛士中閩縣進士任漳州府學教授勤於訓迪每月率集士為文會生童分類教課詳定甲乙務在黜浮華而歸醇雅每接見諸生藹然而和溫然而雅故皆樂親近之

漳浦縣教諭

陳雲樹

陳雲樹福清舉人任漳浦縣學教諭留心課士每文會及考試輒自擬作與諸生互相質証壘壘焉若友朋之講習也文廟樂器祭器歲久缺壞雲樹曰胡以肅將祀事謹加脩葺豆籩羽籥燦然一新自為詩歌紀之歷任十六載卒於官

海澄縣教諭

許文茲

許文茲字子與將樂人順治庚子舉人康熙十九年司教海澄時學宮久燬前任李岱僅構大成殿文茲至繚以週垣續建櫺星門疏通泮水率捐已俸不科庠士一錢署漳州府教授士有贊者悉還之內艱訃至嘔血數日卒櫬歸多祖奠者

南靖縣教諭

黃寅亮

黃寅亮字孫揆晉江人由舉人于康熙十年授南靖教諭

經明行修訓迪有方月課與諸生同筆硯出所作以爲矜式一時人士多所成就時明倫堂爲颶風所仆遂爲茂草寅亮慨然出俸餘爲倡竭力勸捐設法重建規模畢具尋陞福州府教授去士至今思之

平和縣教諭

姚黃甲

姚黃甲莆田舉人康熙五十七年授平和教諭勤于造士以行誼示之身以文藝著之口人始知有師生之樂呂撫臺錫之匾曰儒林傑出雍正十一年離任紳士立碑記之

詔安縣教諭

陳洪圖 楊振綱 黃長茂

陳洪圖字白書晉江舉人順治十年任詔安縣學教諭忠信力學所論本濂洛關閩諸書春秋兩丁捐俸備物却脩脯嚴月課士以學行至者接之逾親子弟時防海兵興勸城工安軍措餉洪圖蓋多所贊益云子遷鶴進士楊振綱古田舉人任詔安縣教諭束躬自勵恂恂雅飭每訓迪士子必以宗經學古相勸切詩文則引李杜韓柳爲法程誘掖不倦秩滿之日闔庠爭勒石以誌不忘黃長茂閩清人乾隆壬申舉人二十七年以明通授詔安

教諭加意作養留心學校詔邑人文舊未盛長茂下車勤月課樂接引一時成就卓有可觀春秋祭丁官辦品物多菲薄長茂歎曰是烏可以慢我先師也遂出祭銀交庠中士端謹者辦理如禮又捐俸設祭器築省牲所廟祀規模一新丹詔舊有書院頗湫隘卽與縣令張所受倡議再建自以六峒田若干畝充膏火立條規以垂永久尋調臺灣都人士建懷德堂以祀焉

漳州府訓導

盧清

盧清字德人霞浦人以歲貢生肄業成均分校太學志書

漳州府志

卷之二十一 宦績三

三

三百六十一

成選漳州府學訓導廉靜爾雅諄諄訓迪雖寒穉冷暑
怡然有以自樂尤長于繪事暇則閉戶抽毫作煙雨圖
其以尺絹雲牋歛門求索者接踵弗却也越四載卒于
官囊橐蕭然多士賻之櫬始克歸里去

海澄縣訓導

張世爵

張世爵字鼎生浦城人康熙二十二年司訓海澄甘澹泊
勤課督士未隸庠者多及門問業尤長吟咏邑中諸名
勝多杖履游焉於當事無所媚亦無所忌捐俸構兩廡
安從祀先賢明倫堂崇聖祠亦相繼聿興卒于官士敘

貲以助歸櫬

詔安縣訓導

黃嘉純


黃嘉純歸化歲貢生居家以孝友稱任詔安訓導拳拳以
抑浮僞崇實學為先嘗倡築學垣捐俸置屋取租以供
文昌祀事故士子益傾心焉

論曰楊子雲云師者人之模範司鐸者庠序之師也
勗以道德課以文章今日之譽髦即異日之楨幹權
顧不重歟博雅莊敬脩潔之君子擁臯比而道尊宣
木鐸而教振紀數人焉可以覘其槩矣

漳州府志卷之三終

漳州府志卷之三終

漳州府志卷之三終



11465

